

盛典溥沐

弘施欽惟我

皇上德永升恒功高化育深仁厚澤休養生息垂
數十年賜復蠲租財賦金錢以億萬計雨暘
時若常殷省歲之憂勤家室盈寧猶念含生
之疾苦

宸衷無逸

恩膏普徧於萬方

聖澤有加

綸綍旋施於四省山陝爲

翠華所及民隱周知楚豫當水陸要衝

皇情尤切

德音下逮父老擊壤以歌衢

玉旨遙頒官吏焚香而拜

詔行見陰陽和會之地屢慶豐年魚米負販之鄉
永稱樂國雍絳少汎舟之役秦晉無乞糴之
文四民悉頌

皇仁九有咸登化宇夫博施濟衆雖堯舜其猶難

老安少懷直天地同一體我

皇上以愛養臻樂利之休本節儉成太平之福豐

膏四沛解澤殷流臣等身列班聯親承

綸命

皇恩似海感深高天厚地之仁

帝德如春忻切就日瞻雲之願自此羣遊熙皞永

祝景祚於無疆共樂昇平益慶鴻圖之克鞏

矣臣等謹合詞摠誠

奏陳謝悃伏乞

聖鑒為此具本謹具

奏

聞

經筵講官文淵閣大學士兼禮部尚書加四級臣

王掞等謹

奏為恭謝

天恩事康熙五十一年十月初三日奉

上諭戶部將康熙五十一年江寧安徽山東江西

地丁錢糧新徵舊欠共計一千二百三十四

萬八千七百九十七兩有奇槩行蠲免臣揆
等在京諸臣恭逢

盛典溥沐

弘施聞

命自

天感

恩無地欽惟我

皇上

功高覆載

德懋生成

登六合於雍熙久殷休養

撫羣黎而解阜彌切綏安凡賦稅之頻蠲非筭
籌之可算爰稽隆古從未前聞芸生之謳頌
方深

聖主之照臨倍至載申

綸命弘沛

恩膏同大曜之循行煦育必周乎四海喜甘霖之
徧及涵濡旋被於三方封疆首重夫江南財

賦實甲於天下山左則官山而府海江右則
引越而控荆

帝眷有懷周知土俗

天行所蒞洞悉民依不徒溫飽爲旣安必使盈餘
而始足於是春耕秋斂恒在宵衣旰食之中
賜復蠲租尤加物阜民安之後

德音渙發

聖澤弘敷以千萬數之多特行盡免俾億兆人之
衆罔不均霑官僚之喜氣雲屯市野之懽聲

雷動山農石戶咸叩首而祝

九重白叟黃童胥焚香而呼

萬歲本豐穰而蓄儲益厚由樂利而俯仰彌饒

聖人之道洋洋注而不息

王者之民皞皞悅且無疆我

皇上以乾坤化育之心致宇宙和平之福無一夫
之不得合萬國而靡遺蕩蕩乎莫罄賡揚濟
濟者惟知抃舞臣等身依

輦轂親荷

絲綸

帝德崇高允矣博施而濟衆

聖恩洪大猗歟厚載以資生欣當

萬壽之昌期行共萬方稱慶願奉三多之華祝敢

先三沐抒誠自此化宇昇平羣遊風動時雍

之盛

皇圖鞏固永戴堯天舜日之長矣臣等謹合詞恭

繕

奏陳謝悃伏祈

聖鑒爲此奏


聞

萬壽盛典初集卷第二十九

總督廣東廣西等處地方軍務兼理糧餉兵部侍郎兼都察院右副都御史臣趙弘燦

總督管理直隸巡撫事務兵部侍郎兼都察院右副都御史世襲等精奇尼哈番臣趙弘燮

刑部雲南清吏司郎中臣趙之垣謹校刊



萬壽盛典初集卷第三十

恩賚五

蠲賦二

巡撫直隸等處地方管轄紫荆密雲等關隘
贊理軍務兼理糧餉都察院右副都御史世
襲一等精奇尼哈番加九級臣趙弘燮謹
題爲欽奉

上諭事據直隸守道叅政臣李毓柱詳稱直屬五
十年地丁錢糧欽奉

上諭通行蠲免并歷年舊欠亦盡免徵奉文到日

一時

巽命風行歡聲雷動欽惟我

皇上御極五十年來深仁厚澤如天地之無不覆
載如日月之無不照臨崇節儉於一身思飢
溺於天下今又將通天下錢糧蠲免一周稽
唐虞之世一夫無不得所未聞終歲無徵考
三代以還斗米亦有三錢幾見輪年免賦況
直屬地方被

澤獨先蒙

恩最近歷年之補助河海同深此日之蠲除丘山
竝厚軍民感戴仰

帝德而難名紳士謳歌祝

聖壽於罔極積天下之福以爲福遠邁軒昊之輿
圖散天下之財以爲財永逾商周之曆數旣
據各道府紳衿士民合詞恭謝

天恩理合據實轉請代

題以達輿情等因到臣該臣竊查

京師爲

萬壽盛典初集 卷三十一
王化之首雨露常霑直隸乃萬國之基陽春先到
欽惟我

皇上

恩同天地

德邁唐虞大小共戴生成遐邇咸臻熙皞數十
年來四海昇平萬民樂業考之史冊實所罕
見猶蒙

皇上時厯宵旰節用愛民蠲賑頻施不啻萬萬率
土羣黎固已備極休養共安衽席而直屬人

民幸生

畿輔屢年受

恩較之他省尤深尤渥茲復蒙

聖德汪洋

恩綸渙汗自明年康熙五十年始將天下錢糧三
年內蠲免一周歷年舊欠并免催征此誠有
加無已之

隆施萬古難逢之

曠典直隸士民首沐

恩膏歡呼特甚臣准部咨欽遵刊示遍行曉諭并
嚴飭地方官實心奉行去後茲據順天等九
府屬士民各稱黃童白叟歡聲動地家家感
戴

皇仁戶戶謳歌

帝德但

聖恩浩蕩無由仰報惟有額手歡呼敬祝

萬壽於無疆等情公懇道府李毓柱等詳請代

題事出土民感激真誠不敢壅於

上聞臣謹恭疏代

題伏乞

睿鑒施行

奉天府府尹臣廖騰燧謹

題爲

皇仁浩蕩萬姓歡呼恭疏代謝

天恩事竊惟奉天黎庶幸生

發祥之地長沐

覆幬之仁我

皇上恩膏翔洽感召天和連年秋斂俱慶盈寧今
歲西成尤稱豐穰民之樂堯天而歌舜日者
比戶皆然今又將康熙五十年地丁錢糧各
省盡皆蠲免奉天州縣一體免徵臣接准部
咨隨即刊示徧行曉諭奉錦九州縣家家忭
舞戶戶歡呼咸誦

皇仁之汪濊齊祝

聖壽於無疆紳士里民葉珍文等焚香匍匐環集
臣署懇具

題代謝

天恩臣謹率領在城大小各官并紳士里民人等
望

闕叩頭謝

恩訖所有輿情歡躍陳情代謝真誠理合具題
上聞伏乞

皇上睿鑒施行

總理糧儲提督軍務巡撫江寧等處地方都
察院右僉都御史革職留任臣張伯行謹

題爲

帝德獨隆千古

皇仁廣被寰區謹據輿情恭陳

天聽事據江蘇等八府州蘇太等十衛紳衿軍民

彭會洪等呈稱伏惟我

皇上

化媿勲華

功兼謨烈統三才而立極念切阜民撫六合以
爲家心誠保赤獨我江南尤深

帝眷留漕發賑動帑濬河蠲賦蠲租賜粟賜帛茅

屋窮簷久已同霑

聖澤黃童白叟於今復被

皇恩欽奉

恩綸特頒

曠典蠲積年之夙逋免來歲之新條慶溢江沱歡

騰海溼伏願

聖壽天齊綿綿甲子

皇圖地久永永春秋集太和於盛世呈上瑞於昌

時永享昇平長臻富庶未忱無由上達環叩
代疏奏謝等情據此該臣看得江蘇等屬爲
財賦重地仰荷

皇仁眷顧疊沛

恩膏早潦偶聞必蠲租而發賑蓄洩有備更發帑
以濬河加之留漕減糶發粟賜帛久已老安
少懷無一夫不獲其所矣今又特頒

上諭將康熙五十二年地畝人丁并歷年舊欠銀
兩并著免徵前署撫臣王度昭接准部咨檄

飭江蘇布政司暨江南都使司一體欽遵并
刊刻告示徧行曉諭務使遐邇咸知均霑實
惠去後茲據布政司金世揚都司章秉法詳
報八屬軍民感頌情由轉請

題謝前來欽惟我

皇上

仁弘九有

澤徧八埏薄海均荷

博施環江倍蒙

大賚茲者欽承

上諭預蠲來歲新條并免歷年舊逋催科無擾軍民忭舞於

堯天耕鑿有資童叟謳吟於

舜日將見餘三餘九比屋盈寧皆由蠲舊蠲新頻年優恤焚香而祝

萬壽者自祖祖孫望

闕而頌三多者摩肩接踵臣蒙

聖恩復撫江蘇蒞任之日各屬紳士軍民環赴臣

署籲請代

題恭謝

天恩臣謹會同總督臣赫壽合詞具

題伏乞

睿鑒施行

巡撫安徽寧池太廬鳳滁和廣等處地方提督軍務都察院右副都御史加四級紀錄八

次臣梁世勲謹

題爲

皇仁疊沛萬姓歡呼臣謹據情具
題恭謝

天恩事據安徽等各府州屬紳衿士民孫元衡等
呈爲

皇恩浩蕩蠲免錢糧十郡歡騰懇乞代

題事竊惟上膺天祿我

后宜享貢賦於萬方下切民瘼

聖主每播恩施於九土恭遇

籌添海屋忻看

澤沛江村正供蠲而百室寧十郡被倉箱之澤
夙逋免而九歌敘兆民鮮箕斗之嗟

隆恩與

萬壽俱長士民踴躍

大德偕一陽竝至里巷歡呼元衡等恭逢

盛世快覩

殊恩布澤施仁薄海仰昇平之化蠲租減賦羣黎

蒙樂利之休共戴

堯天敢忘封祝緣輿情未能上達謹叩代

題謝

恩以達微忱等情到臣據此該臣看得賦稅原一定之舊章蠲免實非常之

曠典我

皇上軫念民生頻蠲租賦凡屬編氓固已久霑樂利矣今荷

皇仁浩蕩特沛

恩綸率土正供三年之內全免一周安徽所屬康熙五十二年應徵地丁銀兩欽奉

上諭俱著察明全免歷年舊欠亦并免徵臣接准部咨隨即檄行所屬一體欽遵去後今據闔屬紳衿軍民環擁臣署咸稱恭逢

盛世疊沐

皇恩

聖德汪洋有加無已扶老携幼頂謝

天恩齊祝

萬壽無疆懇臣代

題并據布都二司暨安徽等十府州縣具詳前

來臣身在地方目覩輿情真切不敢壅於

上聞謹會同帶理江南江西總督印務江西撫臣
郎廷極合詞具

題伏乞

皇上睿鑒施行

護理浙江巡撫印務浙江等處承宣布政使

司布政使加四級臣徐欽謹

題爲

聖主愛養彌弘臣民受恩無旣籲懇代

題恭謝

天恩事據杭處等十一府屬紳衿徐潮等合詞呈

稱爲

聖澤同天

皇仁廣被特請代

題恭謝

天恩事欽惟我

皇上

德備中和

心存胞與大天保而居位備集九如體皇極以
建中用敷百福殿書無逸見家室之盈寧圖
繪豳風厘農桑之耕織垂衣裳而治遠近默
運於一心受玉帛以朝大小咸歸於五服恤
艱難於赤縣恩膏徧春夏秋冬普臨照於蒼
黎政教暨東西南北禹甸周疆之內浹髓淪
肌堯天舜日之中含哺鼓腹允臻至治莫罄
名言惟浙省夙號沃饒爲財賦膏腴之藪今
越地久安耕鑿有民物安阜之休傳

警蹕而遙臨澤已周乎萬姓念雨暘之未若恩
又沛乎

九重省斂省耕快巡行之盛舉議蠲議賑傳補助
之休風九年蓄而世躋春臺百萬家之炊煙
相接八蜡通而人登壽域十一郡之戶口咸
寧洵至德之無加實生民之罕覯乃者留有
餘以逮下更煩

睿慮之周詳務實惠以與民再見
聖恩之汪濊頌

萬壽盛典初集 卷三十一
詔徧加於直省蠲租首及乎浙江吏胥跡絕溝塍
催科不擾雞犬聲聞廬舍逋欠皆停留白粲
於官倉粒粒啄殘鸚鵡減朱提於

國課家家飽過蟬魚釀酒魚羔千村樂歲烹葵
剝棗萬井同春山農澤農地農共熙熙而皞
皞五穀九穀百穀皆翼翼而芄芄臣懷愛日
之忱民效呼嵩之祝伏願

一人有慶樂太平者永永金甌

萬壽無疆頌屢豐者綿綿玉曆情深感切藉封章

以謝

帝德之彌殷歲泰年豐望入告以動

天顏之有喜葵心傾吐皆在

奏疏之中鳩杖優游竊附謳歌之後等情又據

闔屬耆民王國瑞等呈爲

聖恩浩蕩如天萬姓歡呼動地謹抒下情籲請代
題恭謝

天恩事呈稱欽惟我

皇上

治秉一中

功隆兩大

恩波益溥三載而遠近全蠲

德澤彌深一歲而舊新竝免快覩

九重綸綍欣聞兩浙謳歌物阜民安即是太平有

象河清海晏咸賡

萬壽無疆

瑞等恭逢

聖主幸被陽春浹髓淪肌難酬

高厚伏乞代謝以伸輿悃等情又據杭州前右紹

寧台溫處等八衛嘉湖衢嚴海五所呈請據

各衛所屯運伍老軍丁趙恩潘美等呈稱欽

惟我

皇上

大德弘敷

至仁廣被疊沛恩膏處處塗歌巷舞羣霑雨露

人人刻骨銘心今又蒙

特旨念切軍民將五十年額賦

勅賜全蠲歷年舊欠又復免徵

萬壽盛典初集 卷三十
聖恩疊沛如天萬姓歡聲震地惟願千秋益永共
慶

萬壽無疆備瀝下情頂謝伏乞據情轉詳

題達等情到臣據此該臣看得補助偶行尚喧
傳於夏諺田租減半猶誌美於漢書未有屢
蠲屢賑愈久愈加如我

皇上之愛養勤恤誠千古所罕覩者也浙省康熙
四十八年錢糧曾蒙蠲免今又蠲免五十年
錢糧三載之中兩載被澤康熙四十五六七

年舊欠分年帶征今又免徵歷年舊欠一歲
之內數歲霑恩有司省催科必勞心於撫字
萬姓皆溫飽寧致慮乎飢寒是以十一府之
紳衿士民八衛五所之運丁屯伍莫不歡聲
震天咸仰

一人有慶頓首動地共祝

萬壽無疆將見金甌永固毋庸卜世而卜年玉曆
綿長允矣如帶而如礪

綸音徧布率土均歡茲據布政使徐欽掌印都司

萬壽盛典卷三十一
三
繆肇祺詳請代謝

天恩前來臣謹會同署福浙總督事務福州將軍
臣祖良璧合詞具

題伏乞

皇上睿鑒施行

巡撫湖廣等處地方兼提督軍務都察院右
副都御史加五級降一級臣劉殿衡謹

題為蠲免疊沛

皇仁臣民頂戴彌篤公懇詳請

題謝上達輿情事據布政使司布政使張聖猷
都使司郭大受詳據武昌等八府十二衛所
紳衿耆庶張希良等呈稱竊惟

聖澤汪洋雨露不遺夫三楚民情真切嵩呼望達
於

九重我

皇上

六合為家

萬民同體凡海內黎庶靡不含哺鼓腹共樂雍

熙而

聖心軫念民生有加無已各省錢糧次第蠲免不特近代所罕覲實爲曠古所未聞至楚地濱江帶湖幅員遼濶前康熙四十四年荷蒙恩綸下沛將楚省四十五年正供槩予蠲免未完逋欠竝停徵輸嗣又特奉

上諭將康熙四十三年以前未完錢糧通行豁免三楚臣民業已感戴

皇恩刻骨銘心矣今五十一年應徵地丁銀兩復

蒙

上諭全免并歷年舊欠俱著免徵

綸音甫下歡頌徧騰江漢之間旣庶而富荆襄以上實盈且寧全楚老幼人民靡不遙瞻

北闕稽首拜颺共祝

聖壽無疆特此公籲轉請代

題恭謝以達微忱等情到臣該臣看得則壤成賦爲從來惟正之常供下令免租乃自古偶行之曠典從未有

湛恩大沛至再至三

愷澤弘敷自近自遠如

今日者也欽惟我

皇上

九圍化溥

一統仁涵

宵旰日勤知耕織乃足民之本

雨暘時警念農桑爲生物之原惟茲三楚編氓

尤荷

九重軫恤前於康熙四十四五兩年疊奉

恩綸蠲除四十五年地丁銀米豁免四十三年以

前未完錢糧固已家霑戶被莫不戴德含恩
矣今又特頒

上諭將康熙五十一年地丁銀兩通行全免歷年

舊欠俱著免徵臣接准部咨遵即徧示曉諭
黃童白叟沐

綸音之屢渙羣皆巷舞衢歌窮谷深山感

聖澤之頻施咸效嵩呼華祝茲據湖北紳士軍民

合詞公籲

題謝前來臣敢不據實

上聞謹會同督臣鄂海具疏代

題恭謝

天恩伏乞

皇上睿鑒施行

巡撫偏沅等處地方提督軍務兼理糧餉都
察院右副都御史臣潘宗洛謹

題爲

聖主普沛恩膏兆姓徧霑德澤伏陳謝悃懇達輿
情事據湖南布政使佟國勳湖廣都使司郭
大受詳據長沙等七府二州七衛紳士軍民
黃中理等呈稱欽惟我

皇上

駿德遐昌益勵厚生之政

鴻圖鞏固屢弘恤下之仁固已六宇均霑雨露
萬方同煦陽和矣茲乃特沛

恩綸大施

惠愷將康熙五十一年地丁錢糧全免歷年舊欠
俱著免徵於時聞

命自天歡呼匝地惟是湖南地方屆百粵之衝湖
山繡錯接五嶺之峻民苗雜居久勞宵衣旰
食之心漸臻解慍阜財之盛食毛踐土羣知
惟正宜輸仰秣懷芻共荷太平有本猶且
周咨下隱廣錫弘恩從此僻壤遐陬不聞追呼
之小吏將見飲和食德遙同鼓腹之盛時理
等地處南疆星拱

北極衡山開壽域學嵩呼以歌頌萬年洞庭挹
恩波望海若而朝宗百谷值此淪肌浹髓孰
不鏤骨銘心但鰲戴有懷蟲鳴莫達伏乞俯
徇下悃恩賜轉詳上達等情到臣欽惟我

皇上

明竝照臨

仁同覆載雨露之澤萬物循環無窮元氣之育
羣生周流不息六合至廣撫綏無異一家兆
庶至多痾瘵實同四體蠲租之

詔屢下賜賑之典頻施顧猶大施德政特沛
恩綸凡此率土正供盡於三年周免湖南所屬五
十一年應徵地畝人丁銀兩察明全免并歷
年舊欠俱著免徵臣接准部咨即欽遵出示
并檄藩閩二司通行闔屬徧爲曉諭深山窮
谷罔不周知鑿井耕田誰非食德歡呼載道
惟願

聖壽之無疆頂祝盈庭共慶太平之至盛茲據湖
南所屬七府二州七衛紳士軍民公籲

題謝前來臣敢不據實

上聞謹會同湖廣總督臣鄂海合詞具

題恭謝

天恩伏祈

皇上睿鑒施行

巡撫陝西等處地方贊理軍務都察院右副
都御史加三級紀錄十次臣永泰謹

題爲籲請代

題恭謝

天恩事據西延鳳漢四府興安一州各屬紳士軍民梁鼎等呈稱世際邳隆黎民久遂含哺之樂時逢豫順蒼生已登衽席之安

皇上猶夙夜孜孜勤圖利濟至我三秦百姓尤加軫恤於康熙四十二五年間將一應未完地丁錢糧

特恩蠲免十年之內浩蕩恩波已蒙再沛今又仰荷

皇仁將五十一年錢糧并歷年積欠皆蠲免免徵

真千古未有之

殊恩也

鼎

等幸生

聖世舉家銜感萬姓同心惟有朝夕焚香頂祝天子萬壽無疆而已但

九重高遠輿情不克上達懇祈轉申繕疏代陳等情到臣恭惟

皇上御極五十年宵旰靡寧時切民隱薄以自奉務崇儉約之風厚以養民屢布寬仁之政或一年而蠲數省或一省而蠲數年蠲發之數

何止億萬金錢而

皇上惓惓軫恤之意猶恐一夫不獲其所迺因戶口日繁食用或未殷阜特沛

恩綸以五十年爲始將天下錢糧於三年之內通免一周將使僻壤遐陬戶戶享豐亨之福茅簷蔀屋人人登仁壽之年似此

天高地厚之恩誠爲亘古所未有也茲康熙五十一年陝屬地畝人丁額徵銀兩并歷年舊欠銀兩欽奉

諭旨盡行豁免隨即徧示曉諭闔屬紳衿士民黃童白叟無不踴躍歡呼焚香頂祝

聖天子壽同天地景福無疆今據士民籲請代

題恭謝

天恩等因前來相應會同督臣殷太合詞具

題伏乞

皇上睿鑒施行

巡撫甘肅寧夏臨鞏等處地方贊理軍務兼理茶馬都察院右副都御史臣岳拜謹

題爲

皇仁大沛萬姓歡騰懇請代

題恭謝

天恩事據蘭州廳衛闔屬紳衿士民劉雲翻等公
呈爲

弘恩普被萬方感德尤切邊土恭陳謝悃仰祈
上達事恭遇我

皇上御極五十年文德武功蟠天際地深仁厚澤
浹髓淪肌而猶旰食宵衣廛念窮簷蠲租發

帑已逾萬萬之數茲復誕敷雨露親渙

恩綸蠲免五十一年地丁又免從前積年民欠恩
深滄海舉東西朔南之所屆無一或遺惠徧
陽春自唐虞商周迄於今適逢未有翻等身
處邊陲親承

曠典五十年以前坐享歲月昇平安如磐石億萬
載以後永沐恩波浩蕩德若川流惟有比戶
焚香瞻雲就日頂祝

聖壽之無疆益鞏

皇圖於萬禩爲此連名陳謝仰祈轉達
天聽等情到臣欽惟我

皇上

仁同天地

德邁唐虞

施古帝王未普之恩

徧今海宇無疆之澤甘肅地處邊陲向賴

皇上洪福比年以來五穀豐登萬姓樂業今復奉
上諭將甘肅五十一年地丁銀兩通行全免并歷

年舊欠亦俱免徵

隆恩浩蕩有加無已臣接准部文敬將

上諭恭刊印刷徧示城郭鄉村深山窮谷咸使周

知隨據闔屬紳衿士庶懇請代

題前來臣以輿情真切不敢壅於

上聞謹會同川陝督臣殷太合詞具

題伏乞

皇上睿鑒施行

萬壽盛典初集卷第三十

總督廣東廣西等處地方軍務兼理糧餉兵部右侍郎兼都察院右副都御史臣趙弘燦

總督管理直隸巡撫事務兵部右侍郎兼都察院右副都御史世襲等精奇尼哈番臣趙弘燾

刑部雲南清吏司郎中臣趙之垣謹校刊

萬壽盛典初集卷第三十一

恩賚五蠲賦三

巡撫山東等處地方督理營田兼理軍務都
察院右副都御史加四級

臣蔣陳錫謹

題爲

皇恩溥博如天萬姓歡呼動地籲請代

題恭謝

天恩事據濟兗東青萊登六府紳衿里民戴璠等
呈稱欽惟我

皇上文德武功際天蟠地車書一統萬方臻樂利
之休聲教旁敷率土慶昇平之象七政齊而
三靈協瑞四時順而百穀豐登固已擊壤歌
衢羣遊熙皞矣我

皇上念切民依頻加軫恤復將天下錢糧三年之
內輪蠲一周茲奉

聖旨東省五十二年地丁俱著全免歷年舊欠亦
俱免徵灑十行之

綸綍

萬歲山呼蠲億萬之金錢歡聲雷動況山左爲齊
魯之邦與

畿輔最近二東草木屢被恩膏十二河山咸霑
解澤從此淳風益茂永享河清海晏之休年
歲屢豐常見婦媿夫耕之樂惟有焚香叩首
祝

聖壽於無疆鼓腹含哺慶

洪圖之克鞏茲因

九重萬里輿情不能上達懇請代謝等情到 臣欽

惟我

皇上

德合乾坤

道隆堯舜

深仁厚澤長養生息者億萬年

賜復蠲租食德飲和者千百國當茲雨暘時若
猶懷四海之憂勤值此家室盈寧彌軫一夫
之疾苦

特命將天下地丁錢糧自五十年爲始各省輪蠲

茲奉

上諭東省五十二年地丁俱著全免歷年舊欠亦
並著免徵統計三年之內總免過天下地畝
人丁新徵舊欠共銀三千二百六萬四千六
百九十七兩有奇

皇恩似海大地咸周

帝澤如天無人不被佇見物無失所羣遊化日之
中民不能名共躋春臺之上臣准部咨即刊
刻告示通行曉諭山陬海澨處處霑

恩白叟黃童人人戴

德莫不扶鳩嵩祝感天高地厚之仁盥手焚香切
就日瞻雲之願咸頌

天子無疆之壽直與天齊

聖人有道之期永同山峙茲據合省紳衿里民紛
紛環繞臣署籲懇題謝理合具

題恭謝

天恩伏祈

皇上睿鑒施行

巡撫山西太原等處地方提督鴈門等關軍
務兼理雲鎮都察院右副都御史加四級臣

蘇克濟謹

題爲租賦屢蠲

恩波普被懇祈代達輿情恭謝

皇恩事據山西闔省陽曲等九十七州縣并各衛
所紳衿里民劉璋等呈稱

皇上御極以來文教振興武功赫濯勤稼穡則時
厘雨暘重農桑則圖成耕織五十年

萬壽盛典卷之十一
太平天子樂海晏而慶河清億萬載

有道聖人沐春風而霑化雨固已飲和食德登四海於春臺抑且戴義履仁偕萬姓於壽域矣
乃猶

軫念深山窮谷無傷若覺有傷因而深思夏稅秋糧一免且加再免次歲新租槩行全豁歷年舊欠亦著免徵歡騰海宇扶杖而觀者皓首龐眉喜溢郊圻鼓腹而歌者黃童稚子誠哉舜日重遊允矣

堯天再覩璋等躬逢

盛世久沐

宏仁效華祝而爭先學箕疇而恐後但

九重既遠莫聞嵩嶽之呼使衆志徒慙難達康衢之頌伏祈俯念輿情代達

帝座恭謝

皇恩等情到臣欽惟我

皇上

惠政覃敷四海戴汪洋之澤

仁風廣布萬方霑浩蕩之波賑卹之典頻頒蠲
租之

詔屢下三晉人民從前屢沐

皇仁茲又蒙

綸音特沛將康熙五十一年應徵地丁銀全免竝
歷年舊欠亦著免徵民既不困於輸將吏得
專心於撫字終年休息比戶盈寧此真

高天厚地之生成抑亦從古及今之

曠典也臣接准部咨當即欽遵通行頒示曉諭凡

茲軍民人等無不歡呼雷動焚香叩首齊祝
聖壽無疆今據通省各屬紳衿里民呈請代

題恭謝

天恩前來理合據實

上聞伏乞

皇上睿鑒施行

巡撫河南等處地方提督軍務兼理河道兵
部右侍郎都察院右副都御史加五級臣鹿
祐謹

題爲

聖恩浩蕩難名萬姓銜感至切謹抒輿情恭疏代
題叩謝

天恩事據河南通省紳衿里民宋犖等呈稱竊惟
皇上

德配勲華

功隆參贊伏自

御極以來宵衣旰食

躬理萬幾薄賦省刑

心勤四海固已率土懷恩普天同慶矣犖等生長
中州與

畿輔接壤

聖主加意撫綏日享昇平之福時蒙怙冒之仁今
特沛恩綸將河南省康熙五十一年應徵地丁錢
糧除漕項外通行免徵跪誦

上諭感激無涯凡窮鄉僻壤童叟婦女莫不歡忭

拜舞遙叩

九重頂祝

萬壽盛典卷三十一
聖躬享無疆壽考

皇圖歷億萬斯年伏乞俯賜代

題叩謝

天恩到臣欽惟我

皇上

巍巍至德

蕩蕩神功物阜民康猶存已溺已饑之願損上
益下彌弘與聚勿施之仁今將天下錢糧數
千餘萬三年之內全免一周大哉

皇恩真曠古所未逢史冊所罕覲者也茲豫省康

熙五十一年地丁錢糧欽奉

上諭盡行蠲免臣准部咨隨即刊刻告示通行曉

諭頒示之日老幼擁觀望

闕叩頭環繞臣署咸稱臣等幸生

聖人之世得爲

聖人之氓疊荷

殊恩無可報荅惟有家家焚香拜祝

聖壽無疆

皇圖永固但下情無由上達懇請代

題恭謝

天恩前來臣不敢壅於

上聞理合恭疏

題報伏乞

睿鑒施行

巡撫江西等處地方兼理軍務都察院右副

都御史加四級臣佟國勳謹

題爲

皇恩均霑於萬國輿頌更切於西江公叩代

題以伸謝悃事據闔省鄉紳士庶宋一瑞等呈

稱欽惟

皇上

仁同天地

德邁唐虞饑溺爲心惟恐一夫不獲痾瘵在念

真令萬物皆春甘雨和風久慶雨暘之時若

丁男紅女已看耕織之成圖而且賜復蠲租

大地咸霑雨露停徵減賦何年不沛

絲綸更蒙軫念民生弘施

聖澤周一十五省之疆域免數千百萬之金錢
宸眷及於大江以西

皇恩真自九天而下潯陽江畔人人重上春臺章

貢城邊處處盡登樂土含哺鼓腹覺

至德之難名擊壤歌衢識太平之有象瑞等未申
芹報長切葵丹樂井養之無窮致兌和之有
喜爲此瞻雲泥首望

闕抒心祝

天子之萬年頌

聖人之多壽伏乞代

題以伸謝悃等情到臣欽惟我

皇上

聖德如天

皇仁匝地歲稱有歲猶蠲免之時聞年屬豐年尚

賑卹之下逮蓋臻已安已治益切如保如傷

康熙五十一年十月十四日准戶部咨康熙

五十一年十月初三日奉

萬壽盛典初集 卷三十一
上諭將江寧安徽山東江西各撫屬五十二年地
丁錢糧全行蠲免歷年舊欠竝著免徵等因
隨經前撫臣檄行布政司刊布告示分發府
州縣徧處張掛務使里民盡霑實惠去後今
據闔省紳衿耆民宋一瑞等呈懇題謝前來
情詞懇切臣何敢壅於

上聞謹會同江南江西督臣赫壽合詞具疏伏乞
皇上睿鑒施行

巡撫福建等處地方提督軍務都察院右副

都御史加二級降五級戴罪効力臣黃秉中

謹

題爲

皇恩蠲賑疊沛海甸頂戴靡深謹抒輿情轉詳代
題叩謝事據福州等九府一州紳衿耆老軍民
陳子威等呈稱竊

聖主怙冒萬方恒厯饑溺之由已愚民利賴百畝
惟知衣食之爲天故暑雨祁寒每咨嗟乎旱
潦而寬征減賦用補助乎春秋欽惟

皇帝陛下

懋建中和

聿弘參贊

聖神天縱普覆載以無私道德日新調陰陽而式
序肅雍宮廟文德舞干羽於兩階赫濯聲靈
武功平遂達乎三葉蛟宮蜃窟盡入車書砂
磧窮荒咸來琛賚不特地擴於漢唐明宋抑
亦功高於虞夏商周邈自

臨御以來海宇同風邊隅向化孳孳保赤不啻顧
復之懷殷殷足民莫釋宵旰之念一夫無失
所之嗟萬國有咸寧之慶乃猶賜復之
旨頻頒逾億萬金而弗惜豁免之

詔屢下歷五十載而聿新澤不比於屯膏道大光
於益下惟茲八閩隸於海濱

聖天子居九重之上眷注獨殷無待疇咨遂頒
勅諭緩現征而兼撥賑宥宿欠而免新糧更恤兵
餉莫資悉撥隣省協濟躬逢雨露咸知

帝澤之深手捧

萬壽盛典初集 卷三十一
絲綸仰見

王言之大玉鳩爲杖老人多拂薰風竹馬堪騎童
子盡遊化日黃卷勤燈前之讀縫掖何須入
縣之庭綠野催雨後之耕婦子不見呼門之
吏惟是長安千里情詞難達於

楓宸所願

天子萬年頌禱尤殷於海澨僉呈籲懇冒乞奏

聞等情到臣欽惟我

皇上

曆符軒昊

道冠羲皇

流膏澤於普天損上者斯以益下

沛恩波於大地足國者必先裕民固已餘一餘
三人人樂業求千求萬處處蒙休矣然而

聖心未已復又

大沛恩綸

特頒上諭直隸等省康熙五十年地丁銀兩俱著
全免歷年舊欠亦俱著免徵此誠千古未有

之

弘恩史書所罕載者也聞

命之下黃童白叟踴躍歡騰齊祝

萬壽無疆臣准部咨隨行各屬一體欽遵去後茲

據各府紳士耆老軍民人等僉籲代

題恭謝

天恩前來臣不敢壅於

上聞伏乞

睿鑒施行

巡撫福建等處地方提督軍務都察院右副

都御史臣覺羅滿保謹

題爲

皇恩浩蕩難酬黎庶歡騰無地籲請代

題以達輿情事據布政使金培生等詳據臺灣

府屬紳衿里民陳逸等呈稱閩省爲濱海要

區臺灣尤海外重地

聖恩之漸被彌深黎庶之瞻依益切蠲閩省九府

一州五十年之地丁銀兩旣成感

皇仁免臺屬一郡三縣五十一年之正供稻穀又
盡霑實惠誠亘古所未有亦史書所罕見
帝德之廣運靡遠弗周萬姓之銜

恩有誠宜達等情到臣欽惟我

皇上

德被八埏

恩濡九有

舜風和暢羣黎咸解慍阜財

堯日舒長兆姓盡含哺鼓腹廣廈細旃之上時

廛民依茅簷蔀屋之間實霑

聖澤昨年免賦全閩已戶溢朱提今歲蠲租臺郡
復家盈玉粒是以黃童白叟效嵩呼於薄海
之濱行看東作西成廣露積於遐陬之壤旣
據司道詳據臺灣府屬紳衿里民呈請代

題恭謝

天恩前來臣不敢壅於

上聞謹會同閩浙總督臣范時崇合詞具

題伏乞

睿鑒施行

總督廣東廣西等處地方軍務兼理糧餉兵
部右侍郎都察院右副都御史加三級仍帶
軍功五次臣趙弘燦謹

題爲

皇恩廣被士庶歡呼據情代

題恭謝

天恩事據廣東鄉紳鄭際泰并闔省軍民人等公
呈稱伏惟

聖澤旁敷爰灑一天膏雨

皇仁廣被徧吹五嶺薰風追虞廷解慍之絃邁漢
室蠲租之詔千百代難逢之

曠典五十年特沛之

殊恩六宇歡呼萬方感戴欽惟我

皇上

至仁育物

大德統天

極建深宮統萬方而徧德

萬壽盛典卷之十一
恩覃薄海胥九有以同春盈廷協師濟之休刑清
政簡比戶沐雍熙之化物阜民康萬姓固已
登衽席之安

九重猶復厪宵旰之慮於是正賦全蠲甘露來從
天上分年遞免陰膏先及海濱

丹詔初頒山川毓瑞

玉書同捧草木迴陽父老慶盈寧自堯舜以來纔
逢此日室家樂康阜凡乾坤之內共戴吾

君蕩蕩周疆均沐風風人雨雨人之澤昫昫禹甸

共霑衣衣我食食我之仁泰等涓埃莫報豢
養徒深惟願

皇圖與日而俱長共祝

聖壽同天而竝久敬陳下悃伏祈俯准代

題等情到臣欽惟我

皇上恩同覆載軫念民生歷年蠲免數逾萬萬茲
復蒙特頒

諭旨將康熙五十年地畝人丁錢糧并歷年舊欠
銀兩槩行豁免此實亘古未聞之

萬壽盛典卷之三十一
盛事也臣因會審欽案在省接准部咨當即轉行各司道府州縣衛所一體欽遵茲據闔省紳衿軍民人等環臣行署歡呼踴躍焚香叩首懇請代

題前來臣恭逢

盛世身任地方目覩輿情真切并據廣東布政使高必弘呈詳到臣不敢壅於

上聞謹會同廣東撫臣滿丕合詞具

題伏乞

皇上睿鑒施行

巡撫廣西等處地方提督軍務兼理鹽法都

察院右副都御史臣梁世勲謹

題爲呈懇代謝

天恩事據桂林各府紳衿里民鄧佳植等呈稱我皇上宵旰不遑勵精圖治者五十年

恩施普及薄海內外固已民歌康阜士樂盈寧自堯舜以來未有如

今日之盛者也康熙三十三年四十三年内蒙

皇上軫念邊氓

特加恩恤將應征錢糧槩行豁免感戴之私至今

難忘今又將五十年地丁蠲免僻壤遐陬

恩施一體億兆歡忭祇有焚香九叩頂祝我

皇上之德真天地無疆之德我

皇上之壽真天地無疆之壽而已伏祈俯准代

題等情到臣該臣看得粵西僻處邊陲徭獠雜

處耕鑿之外民鮮生業屢荷

皇上厚澤深仁加意軫恤今又欽奉

上諭將康熙五十年應徵地丁銀兩通行蠲免仰

見我

皇上至德弘仁無遠弗屆臣即欽遵宣布一時

溫綸遠播萬姓歡呼白叟黃童靡不焚香頂祝感

激

天恩茲據桂林等九府屬紳衿里民鄧佳植等紛

紛赴臣衙門呈請代達又據布政使黃國材

具詳前來臣何敢壅於

上聞謹會同兩廣督臣趙弘燦合詞代

題伏祈

皇上睿鑒施行

巡撫四川等處地方提督軍務都察院右副

都御史臣年羹堯謹

題為蠲賦

諭出九重感恩歡騰萬姓公陳下悃叩謝

天恩事據成都府屬紳衿士庶羗民向庭賡吾只

木保等呈稱切賡等四川編民生逢

盛世仰沐

皇思念僻壤之凋殘教養日勤

宵旰叨深仁之浹洽風俗克躋雍熙茲特大沛

恩綸來歲錢糧盡免

澤以三年普被知覆載之無私

恩同八省先施仰照臨之遠屆賡等惟有鼓腹含

哺共樂太平有象嵩呼華祝羣頌

聖壽無疆望

闕叩謝

天恩環庭公懇上達等情到臣該臣看得蜀省天

萬壽盛典初集 卷三十一
末遐荒仰賴我

皇上擴胞與之深懷振勞來之至德愛養備至軫恤頻加地方日有起色矣茲又欽奉

上諭將康熙五十年應徵地丁各項錢糧俱著全免臣接准部咨即通行司道府廳州縣衛所土司一體欽遵去後隨據布政使吳存禮詳據通省紳衿士民歡呼踴躍感頌

聖恩且言川省錢糧不足仰供經費每歲尚賴別省協濟兵餉五十餘萬兩今年之內兩荷

全蠲厚澤深仁實倍他省從此玉壘錦江一時增色茅簷蔀屋到處騰歡惟歌

聖人有道之昌期益祝

天子無疆之寶祚懇請代

題謝

恩前來臣不敢壅於

上聞理合具

題伏祈

皇上睿鑒施行

高壽正身初集 卷三十一
巡撫雲南兼建昌畢節等處地方贊理軍務
兼督川貴兵餉都察院右副都御史加七級
臣吳存禮謹

題爲

聖恩徧及遐方萬姓情殷感戴籲請代

題恭謝

天恩事竊臣前任四川布政司時蒙四川巡撫臣

年羹堯川陝總督臣殷太牌開欽奉

上諭事等因到臣臣隨班恭設香案望

闕叩謝臣旋蒙

聖恩陞授雲南巡撫由蜀而黔途間經過大小村
莊父老子弟感頌

皇仁聲滿山谷及入滇境所屬軍民人等扶老攜
幼咸稱我等生長邊方荷蒙

聖主生成安享太平今又蒙

皇恩浩蕩蠲免五十年分地丁錢糧我等小民無
可報効惟有家家戶戶頂祝

萬壽無疆懇將下悃代謝

天恩等情臣於四十九年十二月二十八日抵臣
駐劄衙門雖經陞任撫臣郭璫出示曉諭臣
復刊示通行務令百姓均霑實惠毋許地方
官私自徵收外隨據雲南布政使李華之詳
據雲南等府詳稱闔省紳士軍民涂崇等呈
稱崇等僻處邊隅遭逢

聖世輕徭薄賦時叨怙冒之仁賑穀蠲租屢沐矜
全之德桑麻間井共荷

天麻子弟田疇羣霑

聖化感

皇仁之無外頌

帝德之難名乃滇省五十年分地丁錢糧又蒙
皇上宏恩盡行蠲免真千載所難逢史冊所罕見
也崇等惟有虔祝

聖壽於無疆叩頌瑤圖之罔極轉請代

題等情到臣欽惟我

皇上乾坤爲量日月同輝蠲賑頻施四海共徵樂
利痾瘵在念萬方咸戴生成乃猶三年以內

蠲千百萬之錢糧率土之中免十數省之正
課

殊恩異數德邁百王厚澤深仁治越千古惟此洱
海滇池之地竝沐

堯天舜日之華萬里陽春四時雨露戴

君恩於罔極祝

聖壽之無疆既據該司詳報前來臣又目擊輿情

感戴懇切不敢壅於

上聞理合恭疏具

題代謝

天恩伏乞

皇上睿鑒施行

巡撫貴州湖北川東等處地方提督軍務都

察院右副都御史加五級臣劉蔭樞謹

題爲仰懇詳

題代謝

天恩事據貴州布政使司布政使張建績詳據貴

陽等十一府紳衿民苗周俊等呈稱竊惟耕

萬壽盛典卷三十一
九餘三史頌仁明之政什一而賦書稱有道
之年從未有蠲周天下之租免及歷年之逋
愛民如子沛德如天者也欽惟我

皇上

聰明睿知

文武聖神

親決萬幾定萬世不磨之制

恩流九有擴九州莫外之圖與凡要荒侯甸之
區重譯不毛之地莫不鑿井耕田雨暘時若

家慶屢豐史書大有真五十年如一日十五
省如一家茲復特頒

上諭將天下錢糧以及歷年逋欠自五十年爲始
通免一周黔省邊方先行蠲免俊等雖生長
邊隅

君門萬里而慈暘甘雨露霖無殊從此大地盈寧
萬邦溫飽皆出

皇恩之所賜惟有扶老攜幼羣望

闕庭共祝

聖壽於無疆伏懇詳

題代謝

天恩以洽輿情等因呈詳到臣欽惟我
皇上

愛同天普

化與日新

卑服而即康田心懷保赤

揮絃而思解阜念切勤民數千萬之金錢灑爲
一天化雨億萬姓之衣食咸沐

九陞春光

鳳詔初頒雷聲四布

臣

准部文即刊刻通行出示

徧諭咸使聞知隨據布政使張建績詳據貴
陽等府闔省紳衿民苗周俊等公同具呈求
代謝

天恩到

臣

謹會同雲貴總督

臣

郭璫合詞具

題伏乞

皇上睿鑒施行

萬壽盛典初集卷第三十一

總督廣東廣西等處地方軍務兼理糧餉兵部右侍郎兼都察院右副都御史臣趙弘燦

總督管理直隸巡撫事務兵部右侍郎兼都察院右副都御史世襲等精奇尼哈番臣趙弘燮

刑部雲南清吏司郎中臣趙之垣謹校刊



萬壽盛典初集卷第三十二

恩賚五 蠲賦四

康熙五十二年三月十八日

萬壽覃恩以承平已久生齒愈蕃直省人丁錢糧
以五十年丁冊著爲定額續生人丁永免加
賦

先是康熙五十一年二月二十九日滿漢大
學士九卿等奉

上諭朕覽各省督撫等奏編審人丁數目竝未將

加增之數盡皆開報今海宇承平已久戶口日繁若按現有人丁加徵錢糧實所不可人丁雖增地畝並未加廣應令直省督撫將現今徵收錢糧冊內有名丁數勿增勿減永爲定額徵收錢糧嗣後所生人丁不必徵收錢糧編審時止將增出實數察明另造清冊題報朕凡巡幸地方所至詢問一戶或有五六丁者止一人交納錢糧或有九丁十丁者止二三人交納錢糧詰以餘丁何事咸云蒙皇上洪恩竝無差徭共享

安樂各安生理優游閑居而已此朕之訪聞甚晰者前雲南貴州廣西四川等省遭叛逆之變地方殘壞田畝拋荒不堪目覩自平定以來人民漸增相與墾種無有遺業或堆沙積石難於耕種之地間或有之其山谷崎嶇毫無棄地盡皆耕種矣由此觀之民之滋生者實多朕欲知人丁之數非爲加徵錢糧今國帑殷裕屢歲蠲免雖至千萬凡國用所需并無遺悞不足之虞故將直省現今徵收錢糧冊內有名人丁永爲

定數嗣後所生人丁免加錢糧止將實數另造清冊具聞豈特有益於民亦一盛事也直省督撫及有司官編審人丁時不將實數開報特恐加徵錢糧是以隱匿不據實奏聞朕竝不爲加徵錢糧止欲知其實數耳嗣後督撫等倘不奏明實數朕於就近直隸遣人逐戶挨察即可得實彼時伊等亦復何詞此事毋庸速議俟典試諸臣出闈後爾等會同詳加確議具奏

五十二年三月十八日

萬壽恩詔內一海宇承平已久戶口日繁地畝竝未加廣宜施寬大之恩共享恬熙之樂嗣後直隸及各省地方官遇編審之期察出增益人丁止將實數另造清冊奏聞其徵收錢糧但據康熙五十年丁冊定爲常額續生人丁永不加賦仍不許有司於造冊之時藉端需索用副朕休養生息之至意

四月十九日戶部尚書

臣穆和倫等謹

題爲欽奉

恩詔事該_臣等議得直隸各省康熙五十年編審
丁數定爲常額續生人丁永不加賦之處謹
照

恩詔遵行外嗣後遇編審之期將新增人丁實數
繕造清冊名爲

盛世滋生戶口冊奏

聞如額徵錢糧人丁數內有開除者即將各該省
新增人丁補足額數至新增人丁倘不據實
造冊開報或有私派錢糧造冊之時藉端需

索等弊該督撫嚴查題叅可也本月二十一
日奉

旨依議

_臣等竊思丁之有徵由來舊矣攷之三代力
役之征與布縷粟米等王制曰用民之力歲
不過三日豳詩曰上入執宮功蓋謂此也後
世易爲輸將制雖異於古而實便於民自五
方之風土不齊因而立法各異有丁由戶起
者亦有丁隨糧辦者由戶起者一戶止一丁

自高曾以至孫子戶不改丁亦如故也隨糧
辦者有糧即有丁以糧數之多寡定丁數之
多寡而無糧者不與焉大抵列於冊之內者
少而逸於冊之外者多即遇編審之期要亦
徒循故事畧爲增減而已周禮秋官司民掌
登萬民之數自生齒以上皆書於版歲登下
之三年大比以萬民之數詔司寇司寇獻之
於王原未有不登之民數也
皇上動與古合深悉民隱

命廷臣會議令天下督撫據實上
聞正在奏報又於

萬壽特恩

詔令續生人丁永不加賦仰見

睿慮周詳寬仁之典格外有加俾林林總總之衆
咸得熙熙皞皞共登

壽域慶生息之蕃免丁徭之擾

意美而法良

德洋而恩溥生

聖人之世爲

聖人之民何其幸與謹錄粵西人民謝

恩一章其餘奏章俱彙入報謝

恩詔疏內并詳誌直省人丁實數俾千萬世而下

知

盛世戶口之繁多皆

聖主休養生息之所致焉

巡撫廣西等處地方提督軍務兵部左侍郎

兼都察院右副都御史加三級臣陳元龍

題爲呈懇俯賜轉詳代

題恭謝

天恩事據布政使司布政使黃國材詳據桂林等

九府屬紳衿里民秦琮等呈稱琮等生逢

聖世素沐

皇仁德教弘敷淪肌浹髓恩膏普被老安少懷欣

逢

萬壽昌期又沐

皇恩肆宥特頒

恩詔新增幼丁永不加賦蠻煙瘴雨之鄉盡沐涵
濡煦育之澤斯誠曠古難逢千載一時琮等
仰戴高深感激下忱無由上達伏乞恩賜轉
請據情代

題等情到臣該臣看得粵西地界極邊戶口向
來稀少蒙我

皇上休養恩深施生德溥比來生齒漸加蕃庶從
此千年萬載日增月盛竝未有量茲恭逢
萬壽六旬大慶特頒

詔旨續生人丁永不加賦凡厥兆民子子孫孫得
免力役之征攷之史冊亘古未聞遠邇歌頌
老幼歡騰無不焚香叩首頂祝

聖壽無疆茲據布政使黃國材詳據桂林等九府
屬紳衿里民秦琮等公呈懇乞代

題等情前來臣不敢壅於

上聞所有輿情感戴恭謝

天恩臣謹會同兩廣總督臣趙弘燦合詞代

題伏乞

萬壽盛典卷之三十一
皇上睿鑒施行康熙五十二年六月二十七日題
八月初三日奉

旨該部知道

附載直省編審人丁數目

直隸撫屬舊管人丁共三百四十四萬一千
二百八十四丁新增人丁共二十八萬四
千六百二十丁半開除抵補外實在人丁
共三百四十四萬九千二百八十四丁半
奉天府屬舊管人丁共三萬八千八百九十

六丁新增人丁共三千二百九十七丁開
除抵補外實在人丁四萬一千九百四十
三丁

江寧撫屬舊管人丁共二百七十一萬三百
六十九丁新增人丁共一萬九千二十五
丁開除抵補外實在人丁共二百七十二
萬九千三百九十四丁又歸并省衛黃快
軍丁舊管人丁共二十萬五千九百三十
二丁新增人丁一百九十二丁開除抵補

外實在人丁共二十萬二千三百八十二
丁又蘇太等十衛舊管人丁共三千八百
七十三丁新收人丁一百一十二丁開除
抵補外實在人丁三千八百七十三丁
安徽撫屬舊管人丁一百四十萬三千七百
七十七丁新增人丁六千九百八十二丁
開除抵補外實在人丁一百四十一萬七
百五十九丁又新宣等十二衛舊管人丁
八千五百九十三丁新增人丁一千八十

八丁開除抵補外實在人丁八千六百一
丁

浙江撫屬舊管人丁二百七十四萬八千三
百三十七丁新增人丁七百九十丁實在
人丁二百七十四萬九千一百二十七丁
又杭州等十四衛舊管屯丁四千七百四
十四丁新增屯丁一十四丁實在屯丁四
千七百五十八丁

湖北撫屬舊管人丁四十五萬一千六百九

十八丁新增人丁一萬六千二百八十九
丁開除抵補外實在人丁四十五萬二千
七百二十六丁又各衛所舊管人丁七百
四丁新增人丁一百八十八丁開除抵補
外實在人丁七百五十一丁

偏沅撫屬舊管人丁三十三萬四千七百七
十七丁新增人丁一萬五千一百二十丁
開除抵補外實在人丁三十三萬五千八
百四十三丁

陝西撫屬舊管人丁二百二十四萬七千六
百三十五丁新增人丁四萬二千七百五
十一丁開除抵補外實在人丁二百二十
四萬七千六百九十二丁

甘肅撫屬舊管人丁三十九萬六千六十五
丁新增人丁一萬四千八百九十丁開除
抵補外實在人丁三十九萬六千二百一
十八丁又鞏昌府屬額外溢增人丁四十
七丁

山東撫屬舊管人丁二百三十四萬三千二十七丁新增人丁一十九萬九百七十二丁開除抵補外實在人丁二百三十五萬五百四十七丁

山西撫屬舊管人丁一百七十五萬一千四百九十二丁半新收人丁二十三萬六千九百九十丁開除抵補外實在人丁一百七十五萬八千六百九十一丁半

河南撫屬舊管人丁一百八十萬一千六百四十二丁新增人丁一十四萬六百三十二丁開除抵補外實在人丁一百八十四萬七千二百五十五丁

江西撫屬舊管人丁二百一十七萬三千三百六十六丁新增人丁一十六萬一千九百丁開除抵補外實在人丁二百一十七萬八千七百七十七丁

福建撫屬舊管人丁一百四十七萬一百八十四丁新增人丁一十八萬四千九百五

萬壽盛典補集 卷三十一
十丁開除抵補外實在人丁一百四十七萬二千一百三十丁

廣東撫屬舊管人丁一百一十五萬二千八百九丁新增人丁一千三百二十四丁開除抵補外實在人丁一百一十五萬四千二十七丁又衛所舊管屯丁六千五百七十丁新增壯丁二百二十一丁開除抵補外實在屯丁六千五百九十丁

廣西撫屬舊管人丁一十九萬八千六十八丁新收人丁四千四十四丁開除抵補外實在人丁二十萬一千四十七丁

四川撫屬舊管人丁八萬八千九百五十二丁新增人丁二萬八千八百七十六丁開除抵補外實在人丁一十一萬七千七百六十丁

雲南撫屬舊管人丁一十八萬四千一百八十四丁新增人丁一萬六千八百八十四丁開除抵補外實在人丁一十八萬四千

四百二十二丁

貴州撫屬舊管人丁二萬九百三十四丁新
增人丁二千七十四丁開除抵補外實在
人丁二萬一千三百八十八丁


萬壽盛典初集卷第三十二

總督廣東廣西等處地方軍務兼理糧餉兵部右侍郎兼都察院右副都御史臣趙弘燦

總督管理直隸巡撫事務兵部右侍郎兼都察院右副都御史世襲等精奇尼哈番臣趙弘燮

刑部雲南清吏司郎中臣趙之垣謹校刊

--	--	--	--	--	--	--	--	--	--	--	--



國家圖書館, NATIONAL CENTRAL LIBRARY, TAIWAN, R.O.C.

萬壽盛典初集卷第三十三

恩賚六開科一


康熙五十一年四月二十四日丙子而古文
上允禮部議覆直省舉人貢監生員李長庚陳大
慶查克弘等所請

特開

萬壽鄉會科每十年一舉永著爲令以昭曠典以

隆文治

四月十五日各省舉人貢監生員臣李長庚



陳大慶查克弘等謹

奏爲太平聲教日隆多士歡騰益切恭逢

萬壽之昌期請舉千秋之曠典以祝

聖釐以揚文治事欽惟我

皇上乾元仁壽久道化成

御宇五十一年

聖德神功超越千古雨露深恩無所不被而右文

愛士重道崇儒作人之化日盛月新尤爲史

冊所未有邇者

萬幾之暇

御製經書文字包天羅地內聖外王允足垂教萬

世復於新科會試中式進士

親加覆試禮遇優隆

御製西苑試士詩以示獎勵普天率土無不踴躍

歡忻臣等鄉會試十五省士子雲集京師戴

德如天報

恩無地伏念康熙五十二年恭遇

皇上萬壽正誕臣等身被

萬壽盛典卷之三十三
皇上教育五十餘年今又躬逢盛事千載一時願
竭犬馬之忱敬效躋堂之祝設立

萬壽經壇鼎建

萬壽碑亭慶祝

聖壽其建亭之費臣等公赴禮部彙繳伏求

皇上廣覆載生成之量擴天地父母之心特於京

闡開

萬壽鄉科禮闈開

萬壽會科

欽命題目

親加睿覽更請永爲定例以後每遇十年

皇上萬壽正誕即加一科以彰太平盛典則光垂

奕禩照耀無窮矣謹

奏奉

旨碑亭不必建摺子交與禮部議

四月二十二日禮部尚書臣松柱等謹

題爲太平聲教日隆多士歡騰益切恭逢

萬壽之昌期請舉千秋之曠典以祝

聖釐以揚文治事臣等議得直隸各省舉人貢監
生員李長庚陳大慶查克弘等奏稱伏念康
熙五十二年恭遇

皇上萬壽正誕臣等身被

皇上教育五十餘年今又躬逢太平盛事千載一
時願竭犬馬之忱敬效躋堂之祝設立

萬壽經壇鼎建

萬壽碑亭慶祝

聖壽伏求

皇上廣覆載生成之量擴天地父母之心特於京

闡開

萬壽鄉科於禮闈開

萬壽會科

欽命題目

親加睿覽更請永爲定例以後每遇十年

皇上萬壽正誕即加一科以彰太平盛典等因具

奏前來欽惟我

皇上聖神格被久道化成武功赫濯而六合清寧

文教誕敷而萬方鼓舞加以旁求選俊明試
登賢

天文垂雲漢之章作人揚壽考之盛普天胥慶薄
海同歡茲惟康熙五十二年恭遇

皇上六十萬壽日月升恒休徵協應天下士子沐
教化詠太平雲集京師虔祝

萬壽際此非常之慶合邀異數之恩今據李長庚
等奏請於京闈開

萬壽鄉科於禮闈開

萬壽會科應如所請以愜輿情但此係普天大慶
曠典出自

皇上特恩如蒙

俞允照順治丙戌科通行鄉試己亥科特行會試
例於康熙五十二年二月內舉行鄉試八月
內舉行會試其一應鄉會試事宜臣部另行
酌議具奏嗣後每遇十年

皇上萬壽正誕即加一科億萬斯年永爲定例庶
彰太平盛典益收人才實效謹題請

旨本月二十四日奉

旨依議

八月十四日

上允兵部議覆浙江巡撫王度昭所請照文場例
特開

萬壽武鄉會科每十年一舉永著爲令以昭曠典

六月二十六日巡撫浙江等處地方提督軍

務兵部右侍郎兼都察院右副都御史臣王

度昭謹

題爲恭遇

萬壽開科普天同慶懇賜題請文武並舉以昭曠

典以廣作人事康熙五十一年五月二十四

日據全浙十一府七十七州縣學武生潘堯

年祝永祺等呈稱伏覩我

皇上御極以來

功軼百王

治隆三代經文緯武邁古振今茲際周甲

萬壽之辰首廣棫樸登賢之路

萬壽盛典補集 卷三十三
弘恩遠沛率土騰歡堯年等生逢盛世共享太平
五十年教養之

深仁文武從無二視鄉會科賓與之鉅典輔樞竝
重一時今文生已得邀亘古未有之

奇恩而武士亦願沐

壽考作人之雅化仰祈俯鑒輿情特疏題請

殊恩異數一視同仁俾赴桓共祝升恒師濟均霑
雨露永垂定例咸慶無疆等情隨批仰布政
司查例報奪茲據浙江布政使司布政使徐

欽詳稱該本司查得康熙五十二年恭遇

皇上萬壽正誕普天齊慶士庶歡騰特沐

皇恩開科取士此誠我

聖朝千載一時之盛遇也溯查順治丙戌科通行
鄉試雖武生未有舉行之例但近奉

俞旨新恩各營兵丁有通曉文義者准與武生一
體鄉試而現任千把弁員又准與武舉一體
會試乃從來未有之曠典今據浙省屬學武
生合詞公籲

萬壽開科仰請文武竝舉士心懇摯理合詳請會
題以慰士心以廣作人之盛典者也等因到
臣據此該臣看得康熙五十二年恭遇
皇上萬壽正誕特沐

皇恩開科取士據浙省屬學武生潘堯年等呈稱
五十年教養之

深仁文武從無二視鄉會科賓興之鉅典輔樞竝
重一時今文生已得邀亘古未有之

奇恩而武士亦願沐

壽考作人之雅化籲懇一視同仁文武竝舉等情
經臣批司查議順治丙戌科通行鄉試武生
雖未有舉行之例但近奉

俞旨新恩各營兵丁有通曉文義者准與武生一
體鄉試而現任千把弁員又准與武舉一體
會試乃從來未有之曠典我

朝文武竝重

萬壽開科普天同慶武生踴躍籲懇竝舉詳請會
題前來臣不敢壅於

上聞但可否俯順士心文武一體舉行出自
皇仁仰候

聖裁臣謹會同督臣范時崇合詞具

題伏乞

皇上睿鑒勅部議覆施行七月二十二日奉
旨該部議奏

八月初十日兵部尚書臣殷特布等謹

題爲恭遇

萬壽開科普天同慶懇賜題請文武竝舉以昭曠

典以廣作人事該臣等議得浙江巡撫臣王
度昭疏稱康熙五十二年恭遇

皇上萬壽正誕特沐

皇恩開科取士據浙省武生潘堯年等呈請一視
同仁文武竝舉等語查順治丙戌科通行鄉
試雖武生未有舉行之例但近奉

俞旨兵丁准與武生一體鄉試千把准與武舉一
體會試可否文武一體舉行出自

聖裁等因具題前來欽惟我

萬壽盛典卷之三
九
皇上學貫天人德全智勇守成兼開創而獨隆四表八荒無思不服文教與武功而並重六韜三畧有美皆收屆茲

萬壽之昌期宜舉千秋之盛典查順治丙戌科文生通行鄉試武生雖未有舉行之例但近奉俞旨兵丁准與武生一體鄉試千把准與武舉一體會試此皆

皇上格外弘仁恩澤自天而歡聲動地者也茲康熙五十二年恭遇

皇上六旬大慶各省文生已邀

曠典准於二月鄉試八月會試今武生亦應一視同仁准於五十二年四月鄉試十月會試使文武同霑

聖壽之弘恩齊祝萬年之盛事如蒙

俞允臣部通行各直省八旗一體遵行至鄉會試一應事宜臣部另行酌議具奏嗣後每遇十年

皇上萬壽正誕亦照文場之例即加武鄉會一科

庶

曠典攸昭而人才益勵矣臣等未敢擅便謹

題請

旨本月十四日奉

旨依議

五十二年二月初九日順天及各省布政司

萬壽科鄉試禮部先期按道里遠近請差主考

上以次遣官分典試事

五十一年十月十二日禮部密題請雲貴主

考官本月十六日

欽點翰林院編修周彝內閣中書查布扎納爲雲

南主考官翰林院編修潘體震通政使司知

事常住爲貴州主考官雲南於三月初三日

放榜取中孫士鶴等六十名貴州於二月二

十八日放榜取中柴大用等四十名

十一月十二日禮部密題請四川廣西廣東

福建四省主考官本月二十日

欽點吏部驗封清吏司郎中裘君弼禮部精膳清

吏司主事趙守易爲四川主考官吏部稽勲
清吏司郎中郭晉熙內閣中書舍人盧弘熹
爲廣西主考官翰林院編修查嗣瑛禮部儀
制清吏司主事鄒瑄爲廣東主考官翰林院
檢討謝履忠工部虞衡清吏司主事董之燧
爲福建主考官四川於二月二十六日放榜
取中何淮等七十一名廣西於二月二十四
日放榜取中王廷鐸等四十九名廣東於三
月初三日放榜取中莊論等七十二名福建

於三月初三日放榜取中江日昇等八十九
名

十二月初十日禮部密題請浙江湖廣江西
三省主考官本月十六日

欽點翰林院侍讀學士汪漣翰林院檢討吳相爲
浙江主考官太僕寺少卿嚴虞惇翰林院檢
討李天祥爲湖廣主考官 經筵講官禮部
右侍郎兼翰林院學士胡作梅翰林院檢討
王士銓爲江西主考官浙江於三月十三日

放榜取中羅鼎謙等一百三名湖廣於三月十一日放榜取中金相等一百十三名江西於三月初六日放榜取中周弘勳等九十四名

十二月十九日禮部密題請陝西江南河南三省主考官本月二十二日

欽點 日講官起居注翰林院編修俞長策工部營膳清吏司員外郎李士瑜爲陝西主考官都察院左僉都御史呂履恒戶部湖廣清吏

司郎中喬雲名爲江南主考官詹事府少詹事兼翰林院侍講學士梅之珩翰林院編修阿克敦爲河南主考官江南於三月十一日放榜取中許邈中等一百三名陝西於三月初六日放榜取中張大本等六十七名河南於三月初六日放榜取中孟載有等七十八名

五十二年正月十八日禮部密題請山東山西二省主考官本月二十一日

欽點吏科給事中盧炳翰林院編修俞兆晟爲山東主考官禮科掌印給事中陳允恭翰林院編修俞梅爲山西主考官山東於三月初三日放榜取中薛以畊等七十六名山西於三月初三日放榜取中李徽等六十七名
二月初四日禮部密題請順天主考官本月
初六日

欽點戶部尚書張鵬翮日講官起居注翰林院侍講文志鯨爲主考官於三月十三日放榜

取中霍九錫等二百三十八名

四月

萬壽科順天武鄉試

上遣官較射主考其各省武鄉試照例以巡撫監臨主考

四月初四日兵部密題請順天武鄉試較射主考各官

欽點兵部左侍郎李先復兵部右侍郎巴顏柱爲較射官日講官起居注翰林院檢討阿爾

賽翰林院編修車鼎晉爲主考官取中金璋
等一百五十一名

各省取中武舉名數

江南王彭年等六十三名

浙江戚師塘等五十名

湖廣岳大忠等五十名

江西劉有梅等四十名

福建陳名臣等五十名

山東仙磊等四十名

山西姚夢熊等四十名

河南劉璉等四十七名

陝西盧璞等三十名

甘肅周之藩等三十名

廣東張斌授等四十名

廣西唐斌等三十名

四川蕭康侯等四十二名

雲南竇和鼎等四十二名

貴州譚正道等二十名

萬壽科會試
八月

萬壽科會試天下舉人於禮部

欽定知貢舉主考同考等官并八旗直省中式舉
人額數

八月初一日禮部密題請會試知貢舉主考
同考等官初六日

欽點 經筵講官禮部右侍郎兼翰林院學士胡
作梅爲知貢舉官 經筵講官文淵閣大學
士兼禮部尚書王揆 經筵講官工部尚書

王頊齡兵部左侍郎李先復內閣學士兼禮
部侍郎沈涵爲主考官翰林院檢討蔣肇編
修蔡學洙嵇曾筠楊開沅檢討諸起新編修
方覲須洲惠士奇檢討黃越曹掄彬編修徐
葆光禮科給事中詹嗣祿吏部考功清吏司
員外郎陳廷掄稽勲清吏司員外郎魚鸞翔
驗封清吏司員外郎葉弘綬刑部江南清吏
司郎中陳元工部都水清吏司郎中陸遐昌
爲同考官

萬壽盛典卷三十三
八月初十日禮部尚書臣赫碩色等謹

奏爲請

旨事查康熙五十一年會試滿洲蒙古滿字號取
中四名漢軍合字號取中二名雲南雲字號
取中三名廣西廣字號取中二名貴州貴字
號取中二名其餘各省分南北字號共取中
一百四十六名於額外取中五經五名通共
取中一百六十四名又額外

欽賜取中十三名康熙五十一年四月內九卿會

議具題內稱奉

上諭近見直隸省考取進士額數或一省偏多一
省偏少皆因南北卷中未經分別省分故取中
人數甚屬不均今文教廣敷士子俱鼓勵勤學
各省赴試之人倍多於昔貧士自遠方跋涉赴
試至京每限於額多至遺漏朕深爲軫念自今
以後考取進士額數不必預定俟天下會試之
人齊集京師著該部將各省赴試到部舉人實
數及八旗滿洲蒙古漢軍應考人數一并查明

萬壽盛典初集 卷三十三
預行奏聞朕計省之大小人之多寡按省酌定
取中進士額數考取之時就本省卷內擇其佳
者照所定之數取中如此則偏多偏少之弊可
除而學優真才不至遺漏矣著九卿詹事科道
確議具奏欽此九卿詹事科道等會議得嗣後
會試不必預定額數亦不必編南北字號按
各省分編號印卷面既分省分不必復編官
民字號止憑文取中其滿洲蒙古漢軍亦編
滿洲蒙古漢軍字號直隸各省會試舉人到

齊及滿洲蒙古漢軍進場實數禮部預行查

明奏

聞恭候

皇上酌量省分之大小人數之多寡定額於

命下之日行文主考就各省卷內擇其佳者照所
定之數取中等因具

題奉

旨依議欽此欽遵在案今

萬壽開科會試准至公堂查明移開舉人進場實

數滿洲七十一卷蒙古一卷漢軍二十二卷
直隸四百九十三卷奉天二十一卷江南三
百五十六卷浙江三百五十六卷湖廣二百
五十八卷江西二百八十卷福建一百八十
卷山東三百三十六卷山西二百二十卷河
南三百四卷陝西一百九十卷廣東一百二
十二卷廣西五十卷四川九十九卷雲南八
十五卷貴州六十二卷相應奏

聞恭候

皇上欽定取中數目俟

命下臣部交與主考官就各旗省卷內擇其佳者
照

欽定之數取中以仰副我

皇上愛育人材公平周密之至意又至公堂移稱
分經分房之處仍照舊例遵行五經卷數無
幾若再分別恐易徇私應將五經硃卷停其
分編滿漢直省各印記等語應將分經分房
俱照舊例遵行五經硃卷停其分編旗省各

印記可也爲此一并謹奏請

旨本月十五日奉

旨這會試滿洲蒙古取中四名漢軍取中二名直隸取中二十二名奉天取中一名江南取中三十名浙江取中二十名湖廣取中十二名江西取中十三名山東取中十五名山西取中十名河南取中十五名福建取中八名陝西取中九名廣東取中六名廣西取中三名四川取中四名雲南取中四名貴州取中三名五經取中五

名餘依議

九月初十日放榜取中舉人孫見龍等一百八十六名

十月

萬壽科會試天下武舉

欽定知武舉監射主考等官

十月初四日兵部密題請武會試知武舉監射主考同考等官

欽點兵部右侍郎仍兼管光祿寺事田從典爲知

武舉官管侍衛內大臣公鄂倫岱管侍衛內
大臣侯巴渾特鑲白旗漢軍都統偏圖文華
殿大學士兼禮部尚書松柱爲監射官 經
筵講官刑部尚書張廷樞 日講官起居注
詹事府少詹事兼翰林院侍講學士王奕清
爲主考官吏部考功清吏司郎中郭晉熙考
功清吏司員外郎陳廷綸戶部湖廣清吏司
郎中喬雲名湖廣清吏司員外郎趙成穠爲
同考官

十月二十二日放榜中式武舉金昆等一百
八名

十月初九日癸未

上策試天下貢士孫見龍等於

太和殿

十月初五日禮部密題請用讀卷官員

欽點文華殿大學士兼禮部尚書松柱文淵閣大
學士兼吏部尚書李光地文華殿大學士兼
吏部尚書蕭永藻 經筵講官文淵閣大學

士兼禮部尚書王掞內閣學士兼禮部侍郎
綽奇常泰鄒士璉沈涵 經筵日講官起居
注都察院左都御史仍兼管翰林院掌院學
士教習庶吉士揆敘吏部尚書暫理戶部尚
書事張鵬翮 經筵日講官起居注吏部右
侍郎仍兼管翰林院掌院學士教習庶吉士
湯右曾戶部右侍郎廖騰燧 經筵講官禮
部左侍郎兼翰林院學士王思軾 經筵講
官工部尚書王頊齡爲讀卷官

初九日早諸貢士赴

太和殿前

殿試

皇上賜策問

奉

天承運

皇帝制曰朕惟治天下之要務莫先於敬持其心
心者所以飭官方勵人才而消釁孽之本也自
御極以來翼翼兢兢五十餘年如一日至於大

小臣工無時不以國爾忘家以人事君之義相
爲告戒焉邊疆雖靖尤加意於武備之修凡以
立國之道德威不可偏廢古帝王所以深根固
本杜漸防微是朕之所夙夜而不敢康者也書
曰儆戒無虞又曰制治未亂保邦未危今國家
承平日久文恬武嬉朕惟唐虞成周之隆君臣
所以動色咨警者豈過慮歟無亦察於天命人
心之理而無荒無怠期以長凝

上天之眷而永底蒸民之生也其何以使中外臣僚

悉喻朕意歟夫洪範進人有猷有爲歸於有守
周官弊吏則能法之類必首以廉然則廉隅者
士行之先也服官之本也督撫者州縣之師部
院大臣者百寮羣吏之表故李膺按部而貪墨
爲之解官楊綰登朝而勲舊爲之撤樂今吏道
未盡澄清官邪未盡振肅其亦倡率之道有所
未至歟易曰拔茅茹以其彙書曰舉能其官惟
爾之能稱匪其人惟爾弗任內而部院卿貳外
而督撫提鎮朕所寄腹心耳目也有所薦舉朕

必虛心而採用焉然課其成效往往不能悉副
任使者何也夫無至公之心則知交姻婭各徇
其所私無至明之識則劣品庸流各阿其所好
古大臣薦賢不使人知而補牘必爭夾袋必滿
者其風豈遠歟立政之篇致意於庶言庶獄庶
慎而終以克詰戎兵古者簡閱車徒一年而四
舉焉朕鑒於前代慎選將勤恤兵甄微勞酬壯
烈留神戎事用樹國威然自禁旅之外所在營
伍盡能核軍實而肅行陣歟夫練習不素則技

勇之藝疎節制不嚴則驕惰之兵衆其何以振
紀宣威使國家長收衛民之用也要之潔清自
勵則援引必公而小大莫非法廉之選憂危共
惕則防維必至而內外永享寧謐之休朕之所
以勅臣工者即其所以望多士者也爾多士其
悉據所學以對朕將親覽焉

十二日丙戌

上御太和殿王以下文武百官各朝服齊集鴻臚
寺官傳

制賜王敬銘等進士及第出身有差

十二日早讀卷等官并諸王以下公以上文武百官各具朝服赴

太和殿前侍立禮部官捧

黃榜置於

丹陛正中黃案上鴻臚寺官傳

制唱名

第一甲

賜進士及第王敬銘任蘭枝魏廷珍

第二甲

賜進士出身楊繩武等五十名

第三甲

賜同進士出身朱向中等一百四十三名

附載恩榮次第

十四日

賜宴於禮部二十一日

賜狀元頂帽披領帶等物及進士折鈔銀兩二十

四日狀元率諸進士上

表謝

恩二十五日狀元率諸進士詣

先師孔子廟行禮

十一月初七日辛亥

上策試天下武舉金昆等於

太和殿閱日復較射於西廠

十一月初一日兵部密題請用讀卷官員

欽點文華殿大學士兼吏部尚書溫達文華殿大學士兼禮部尚書松柱文淵閣大學士兼吏

部尚書李光地文華殿大學士兼吏部尚書

蕭永藻 經筵講官文淵閣大學士兼禮部

尚書王揆內閣學士兼禮部侍郎綽奇沈涵

常泰 經筵日講官起居注都察院左都御

史仍兼管翰林院掌院學士教習庶吉士揆

敘吏部尚書暫理戶部尚書事張鵬翮 經

筵日講官起居注吏部右侍郎仍兼管翰林

院掌院學士教習庶吉士湯右曾 經筵講

官刑部尚書張廷樞都察院左都御史劉謙

通政使司右通政王景曾爲讀卷官

初七日早諸武舉赴

太和殿前

殿試

皇上賜策問

奉

天承運

皇帝制曰自古承平日久則武備或致不修朕統御萬方永維所以久安長治之道故加意疆場

推心闡外無時不圖度於懷也夫爲民之衛者兵司兵之命者將古之大將以仁義律身夫是以操如冰霜恩如雨露令之行也如風雷信之堅也如金石朕於簡任將帥訓飭有加焉而未能悉副朕心者其故安在夫必平日得士卒之懽然後臨事可以用三軍之命古未有不恤兵而能制勝禽敵者今或坐享安榮而於衆士甘苦漠不周知甚且冒兵剋餉以自肥者有焉身家之念重則營伍之恩薄欲得萬人齊心同仇

敵愾豈不難歟然則恤兵之要尤在潔已故廉則生惠公則能愛古大臣之風其遂邈不可嗣歟賞罰者馭衆之大權也而於軍中尤重非信賞則無以結其心而鼓其氣非必罰則無以肅其法而厲其威今爲將而或未能盡斯道者何歟毋乃漫無紀律而賞罰之不講歟抑因其吝於賞故不敢果於罰以私意苛於罰故因以私意濫於賞歟寬嚴之施恩威之用何道而適其中也要之潔已者恤兵之本而潔已恤兵者尤

信賞必罰之本潔已則服人也素賞固服而罰亦服也恤兵則感人也深賞固感而罰亦無怨也爲將之道宜無大於此者爾多士皆欲爲國家宣力四方者其悉摠所學以對朕將親覽焉

初八初九日

上御暢春園之西廠

親試馬步箭

初十日甲申

賜宋如栢等武進士及第出身有差

初十日早讀卷等官并諸王以下公以上文武百官各具朝服赴

太和殿前侍立兵部官捧

黃榜置於

丹陛正中黃案上鴻臚寺傳

制唱名

賜武狀元盛甲等物

第一甲

賜武進士及第宋如栢丁士傑趙連

第二甲

賜武進士出身王聯舉等十二名

第三甲

賜同武進士出身江國維等八十一名

附載會武次第

十一日

賜宴於兵部十二日

賜武進士折鈔銀兩十三日武狀元率諸進士上表謝

恩

右開科盛典文武鄉會試及文武廷試制詳
典鉅至再至三臣等撰次成帙伏念是歲特
科臣等或身蒙任使分典試事或子弟被舉
發科或身受

殊恩成進士列史館今復備員記注載筆之餘得
仰窺

皇上壽考作人之化不禁抃舞之私自慶遭逢之
獨盛也竊惟聖人統馭天下其所分猷而共

理者賢才而已賢才聚於選舉而原本於治
化之隆其涵濡也深則其發之也彌盛其陶
淑也久則其取之也愈多易曰聖人久於其
道而天下化成又曰拔茅茹以其彙征吉自
古邳隆之世所以炳燿無窮也昔在唐虞皆
以聖人登上壽闢四門明四目達四聰其風
尚矣夏有籲俊之文殷有旁求之訓爰洎成
周人才尤盛棫樸之詩鄭箋以爲文王是時
年九十餘故有遐不作人之頌兩漢以來文

有賢良孝廉諸科武有剛毅勇猛諸選州郡
勸駕天子親策之若乃進士之科肇於隋代
武舉之設著於唐初建隆立殿試之規治平
定三年之例分經閱卷至紹定而始詳三場
條目至洪武而加密莫不甄拔幽遐助宣王
化然大抵限之以年歲拘之以成例非有特
達之恩敦崇曠典昭示來世也考之唐志惟
天子巡狩封禪文學將畧之士往往會見行
在宋祥符元年東封車駕所經之地特令發

解考試四年祀汾陰崇政殿試及第出身三
十一人七年朝謁乾清宮詔舉亳州開封五
十人他如嘉祐之祿饗熙寧之郊赦亦命諸
路搜訪人才召試舍人院要皆行焉而未徧
徧焉而爲數未廣蓋特示曠舉於一時而非
本於壽考作人之盛治雖欲博攬遐收永垂
勝軌其勢固有所不能也我

皇上秉聰明首出之姿裕表正萬邦之畧體道凝
神至誠無息氛祲靖於四國淑氣徧乎里巷

沉濡溥濩五十餘年民生累世相仍有缺畝
衣食之饒無動容變色之慮洋洋乎郁郁乎
斯固鴻鈞之所以毓祥川岳之所以降神者
也屢發帑金修

文廟

幸闕里釋奠

先師又躋朱子祀十哲之次

御製訓飭士子文示以躬修實踐砥礪廉隅之要
反覆惓惓家喻而戶曉啟經笥陳義府闡六

經之旨發明宋五子之書使千秋絕業煥乎
若揭日月而行禁絕淫辭攘斥邪說以端士
習定民志慎簡學使暨鄉會典試之臣仍歲
以來增進學之員廣賓賢之額

異數殊恩有加無已又復嚴科舉積習之弊風清
紀肅實學知勸凡所以戒用休董用威者甚
詳而有則也夫本至德以導之揚深仁以育
之崇正學以率之寬採擇之途以鼓舞之嚴
懲創之法以震厲之而又漸摩於數十年之

久以浸尋而行溢之是以

聖教浹於肌膚淪於骨髓近自輦轂遠逮山陬海
澨之間靡不蒸蒸向風管絃鐘鼓之聲道里
相望而其才之足以備疏附奔奏先後禦侮
者蓋不可勝數也歲在癸巳恭逢

萬壽六旬大慶四方之士景附風靡籥籥躡屩不
遠萬里來集京師相與稱兕觥祝

萬壽請建碑亭以垂永久夫豈作而致之哉其沐
浴於教澤者深而忠愛之誠發於心之所不

言而同然也我

皇上運齊政之衡布垂天之網大生成之量宣昭
曠之恩

特諭通行各省竝舉

萬壽恩科鄉會以次而行文武均被其澤仍定例
每遇十年

皇上萬壽正誕即加一科億萬斯年永著成憲又
以文教廣敷各省取中進士多寡不均或致
高才遺佚

特諭禮臣以各省赴試人數奏聞

親加睿裁分省定額以昭公平周密之至意方歲之冬旅進所取文武之材

臨軒次第策試之多士幸際昌期虎嘯而風從龍翔而雲集揚

清問望耿光弭節天衢迴翔衡漢豈非千載一時不可逢之良會乎夫施德匝於區宇至廣也取材彙於殊途至衆也嘉數協於岡陵至久也甄選均乎直省至公也權衡定於密勿至

慎也聞之天不愛道則卿雲見地不愛寶則器車作含靈仁壽鍾英孕奇將必有深厚雄傑倜儻非常之才宣化承流旁作穆穆潤色太平之偉業鋪揚格天之鴻休豈不盛哉至於天錫純嘏日月升恒億萬斯年恩流罔斲聖壽有無疆之休多士亦有無疆之慶洪輝芳躅史冊歲蕤踵事而書之固未有艾也謹附士子謝恩章疏於後用誌

王多吉士婚于

天子之盛焉

萬壽盛典初集卷第三十三

總督廣東廣西等處地方軍務兼理糧餉兵部右侍郎兼都察院右副都御史臣趙弘燦

總督管理直隸巡撫事務兵部右侍郎兼都察院右副都御史世襲等精奇尼哈番臣趙弘燾

刑部雲南清吏司郎中臣趙之垣謹齊



萬壽盛典初集卷第三十四

恩賚六開科二

順天府府尹臣屠沂等謹

題爲普天士子感沐

皇仁仰祈代

題恭謝

天恩事據直隸各省舉人貢監生員李長庚陳大慶查克弘董俊等二百四十一人呈前事內稱欽惟我

萬壽盛典卷之四
皇上

德侔天地

功竝生成

剛健文明集百王之道統

雍熙仁壽開萬世之昌期作人冠於古今教澤

深於雨露科名特設

曠典欣逢十五省太平之化日盛月新億萬年

壽考之科天長地久實

熙朝之盛事極多士之殊榮

俞旨自天歡聲動地長庚等躬逢

盛世幸列儒林

聖壽無疆益切嵩呼之願

皇恩似海長深華祝之私謹焚香頂祝叩謝

天恩懇祈俯准輿情代達

宸聽等情到臣欽惟我

皇上

道協乾行

德符仁壽

右文稽古

重道崇儒

俯鑒十五國之輿情

特頒億萬年之曠典凡茲人士咸思奮志

昌期即在臣工亦慶觀光

文治從此作人之化如日方升永依

壽考之君與天同運今據士子感激真誠恭請題

謝

天恩臣不敢壅於

上聞爲此恭疏代

題伏乞

睿鑒施行

巡撫直隸等處地方管轄紫荆密雲等關隘

贊理軍務兼理糧餉都察院右副都御史世

襲一等精奇尼哈番加九級臣趙弘燮謹

題爲

萬壽無疆

俞准開科普天慶祝恭謝

萬壽盛典卷之二十四
天恩事據署理直隸守道事務巡道李成龍詳稱
據保定等九府屬舉貢生監張嵩齡耿永年
等呈稱欽惟我

皇上

聖敬日躋

壽域天開

文德邁勳華登四海崇文之治
道源接軒昊啟萬年有道之祥
祿位名壽之徵獨超千古

高厚悠久之盛合撰兩儀茲以來歲三春恭遇
六旬萬壽慶泰運之無疆萃人文而同慶

特允十五省士子之請舉行鄉會兩科十里杏林
花發預薦鹿鳴九秋桂子香飄還題雁塔每
遇十年弘開兩試自

六旬以至億禩定爲成規由畿輔以達九州欣逢
特典嵩齡等幸瞻

化日仰慶

遐齡願申三祝以抒誠先望

九重而鳴謝伏祈轉達俯賜代陳等情到道欽惟
我

皇上

德邁三皇四海樂無爲之治

化隆五帝萬年慶有道之禎彩溢瓊臺堯年益
茂籌添海屋舜旦彌長今以五十二年恭際
萬壽六旬之期

特頒一歲兩科之制臣工奉

詔喜溢盈廷多士蒙

庥歡呼動地將見我我髦士盡爲

盛世之楨藹藹吉人悉作

聖朝之彥理合據情呈請代

題等因到臣欽惟我

皇上

神姿天授

聖德日新重道崇儒屢廣科名之額闢門籲俊大
開登進之途固已薄海沐甄陶咸仰堯天之
浩蕩寰區蒙教育共瞻舜日之舒長矣茲以

來歲五十二年恭逢

皇上六旬萬壽

俞允多士之請

特開鄉會之科益徵久道之化成羣頌作人之

壽考璿璣廣運人文佐

壽域而俱昌玉燭常調奎壁拱

微垣而彌燦普天同慶士庶騰懽茲據署守道事

巡道李成龍詳請前來所有感激懽忭輿情

臣不敢壅於

上聞理合代

題稱謝伏乞

睿鑒施行

奉天府府尹加一級臣李濤謹

題爲

皇仁浩蕩難名士子感戴無已籲請代

題恭謝

天恩事據奉天府九屬舉貢監生員唐廷儀鐵如

金等呈稱欽惟我

皇上

統紹一中

功高萬古

聖德廣被沐大造之生成文教攸隆歌太平之歲月茲康熙五十二年

特開

萬壽恩科日月光華久覩闢門之典風雲遭際更瞻曠世之恩從此集禮樂於三千共見菁莪布化抑且紀春秋於八百欣看蓂莢呈祥儀

等才慚雁塔志切鵬程

綸綍自天喜常新之

聖治歡呼動地頌永固之

皇圖懇冀俯鑒輿情具題代達

宸聽等情前來臣不敢壅於

上聞理合具題伏乞

皇上睿鑒施行

巡撫浙江等處地方提督軍務兵部右侍郎
兼都察院右副都御史帶理江寧巡撫印務

萬壽盛典初集 卷三十四
臣王度昭謹

題爲

聖壽萬年文治彌光於九有

皇恩特沛科名益盛乎八埏懇詳華祝微忱

題謝賓興異數事據江蘇布政使司布政使金

世揚詳稱據江蘇等屬舉人貢監生員朱士

履范仁沛等呈稱士履等欣逢

盛世幸際

昌期久道化成咸荷

一人有慶闢門籲俊更瞻多士彙征茲惟康熙五

十二年恭遇

皇上六十萬壽

升恒遐祉綿寶曆於無疆

仁壽永貞握璿圖而建極祝

聖久切躋堂之悃

作人尤開壽考之科文星依

御宿以增輝歌騰棫樸南極竝奎躔而永煥澤徧

菁莪從茲憶萬斯年長慶英賢入彀名言莫

道隆千聖

德竝兩儀已治已安皞皞羣遊於

舜日維仁維壽喁喁環舞乎

堯天恭逢

皇上六十萬壽之昌期欽奉

俞旨正誕加科之盛典禮闈選俊看花上苑而嵩

呼鄉校拔尤握瑾計偕而封祝

國楨倍植

寶籙無疆宜乎多士之感頌

聖恩籲請代

題恭謝也茲據布政使金世揚詳報前來臣謹

會同帶理總督印務江西撫臣郎廷極合詞

代

題伏乞

皇上睿鑒施行

巡撫安徽寧池太廬鳳滁和廣等處地方提

督軍務都察院右副都御史加四級紀錄八

次臣梁世勳謹

題爲

聖主壽考作人多士欣逢

曠典懇賜代

題恭謝

天恩事據安徽等十府州舉貢監生生員彭齡祝
如山等呈稱我

皇上心傳洙泗德茂唐虞雨露沛於九重普天動
華封之祝文教敷於四海多士賡天保之章
恭遇五十二年之寶曆欣逢

萬壽六十之昌期大沛

洪恩特開鄉會兩科億萬斯年永爲定例此誠亘

古所未聞巍巍

聖德極盛難名縷縷輿情感深莫報謹連名具呈
謝

恩伏望轉達

宸聽等情到臣欽惟我

皇上

德隆覆載

化洽生成發賑蠲租無一夫不被

聖澤崇儒重道俾多士咸沐

殊恩恭逢

萬壽之昌期

特舉掄才之曠典十年增一試慶

壽考之作人四海悉同文開萬年之景運仰荷

皇恩之優渥羣欽

帝德之高深茲據士子籲懇代

題謝

恩臣不敢壅於

上聞謹會同帶理江南江西總督印務江西撫臣

郎廷極合詞具疏題達伏乞

皇上睿鑒施行

巡撫浙江等處地方提督軍務兵部右侍郎

兼都察院右副都御史臣王度昭謹

題爲普天仰

聖壽之仁多士樂同文之治公籲詳

題代陳謝悃事據浙江布政使司布政使徐欝

詳稱據杭處等十一府各屬舉貢監生生員
李庚星包芝豫等連名合詞呈稱竊惟人才
培於百世文運開於萬年自古爲難於今特
盛康熙五十二年恭逢

皇上六十萬壽

特旨開科通行直省四海仰

作人之化八垓誦

壽考之章士子舒眉臣鄰拜手庚星等躬蒙
恩詔感激無涯懇請據情轉詳

題謝等因由各府轉詳到司欽惟我

皇上

功參化育

道協清寧

盛世文風廣被東西南朔

熙朝雅化遠邁虞夏商周茲康熙五十二年恭
遇

皇上六旬萬壽人文蔚起

聖朝慶得英才海宇歡騰多士悉登雲路永彰太

平之有象共祝

國運於無疆茲據各士子籲請前來所當轉詳
題謝等因到臣據此該臣看得三年取士本一
代之弘文

萬壽開科實千秋之特典

恩覃士類慶溢儒林欽惟我

皇上

聖神文武

博厚高明

五十一年之化澤旣周被乎兆民

六旬萬壽之恩光又先施於多士曆逢癸巳

特旨開科試舉春秋通行直省國楨藉國本以長
培奎曜附庚躔而竝燦宜多士感頌無疆而
籲請

題謝也茲據布政使徐欏詳報前來理合恭疏
代

題伏乞

皇上睿鑒施行

萬壽盛典補集 卷三十四
巡撫湖廣等處地方提督軍務都察院右副
都御史加五級降一級又降二級留任 臣劉
殿衡謹

題爲

聖壽同天地無疆人文與星雲竝煥羣沐作人盛
化謹請恭謝

天恩事據布政使司布政使李錫詳稱據武漢黃
安德荆襄鄖八府屬舉人貢監生生員蔣天
柱孫昌運等呈稱伏惟貞元際會太和保合

於九州道學昌明雅化昭垂於千古蓋上有
仁壽之主則禮樂綿長下闢俊乂之門斯人文蔚
起慶升恒之日月喜遭際於風雲康熙五十
二年恭逢

皇上六旬正誕繞萬歲之瓊枝共見我我髦士上
千秋之金鑑欣看濟濟鵷班乃猶博採旁搜
惟恐遺賢於草野崇儒重道必期登俊於

廟廊爰開

萬壽之科用著千秋之例由京畿以迄千八百國

中外均霑自周甲而至億萬斯年天人叶應
此真亘古難逢之

盛典實

聖世特沛之弘恩也柱等草茅下士樗櫟庸材聞
綸綍之自天末由九叩惟歡呼之匝地願祝三多
伏祈俯采輿情代請

題達等情到司欽惟我

皇上

功隆宇宙

德冠古今樂育菁莪久闢賢關以籲俊栽培杞
梓尤徵壽考之作人茲當康熙五十二年恭
遇

皇上六旬萬壽

特允開科彙春華秋實以同登仰壽海福山而齊
祝歡騰九有喜溢三湘理合據情呈詳伏乞
俯賜代

題等情呈詳到臣欽惟我

皇上

道洽三才

恩敷九有

功德邁百王而上

文章集羣聖之成重道崇儒四海慶休明之治

興賢造士普天沐化育之仁疊蒙廣額

鴻慈久被右文

雅化茲於康熙五十二年恭逢

皇上六旬萬壽特下

絲綸之命允開鄉會之科十載加行萬年爲例斯

真

聖朝獨舉之曠典亘古未有之

殊恩也從此作楨作幹永綿曆服於無疆爲拜爲

颺長奉

天顏之有喜茲據布政使李錫詳懇

題謝前來臣敢不據實上

聞謹會同督臣鄂海具疏代

題恭謝

天恩伏乞

萬壽盛典卷之二十四
皇上睿鑒施行

巡撫偏沅等處地方提督軍務兼理糧餉都
察院右副都御史降三級留任臣潘宗洛謹
題爲

聖主萬壽無疆人文千載奇遇恭謝徧錫

隆恩謹請轉陳微悃事據湖南長靖等九府州屬
舉人貢生監生生員李天柱沈鏞等呈稱伏
惟金甌鞏固九紘祝

聖壽無疆玉曆綿長萬國慶人文丕振漸仁摩義

治以悠遠而化成說禮敦詩士因教養而蔚
起固已菁莪竝育久見茅茹彙征茲康熙五
十二年恭遇

皇上萬壽正誕繞樞紫電瑞叶飛龍煥日長虹輝
聯苞鳳迺因非常之慶得邀

異數之加爰開鄉會兩科竝及中外各省碧桃浪
煖快看鱸鮓飛騰丹桂風高疊見鷓鸞翬舉
從此朝皆髦士抑亦野鮮遺賢冀北空羣賞
在牝牡驪黃之外斗南拔萃收來梗楠杞梓

之材秦中本是帝王都勿歎蒹葭霜露洛邑
由來天地合羣歌鐘鼓辟雍鄒魯之芹藻長
新鄘邶之榛苓不作五瀦學海湧萬斛之珠
璣三峽詞源挾九天之風雨廬阜之精英欲
降豫樹翻風錢塘之間氣重浮江潮吼月鯨
波滄海寧餐火棗於蓬萊鳥道滇黔豈折露
葵於空谷同人文於四海雲漢爲章舉
曠典於十年莊椿常茂柱等跼伏南隅心依
北極自

天渙號早知壽考作人匝地鳴歡樂附思皇多士
但以輿情鼓舞難達

天閣伏乞繕疏敷陳獲通

宸陛行見洞庭浩蕩永祈河清海晏之休衡嶽從
隆長慰華祝嵩呼之願矣等因到臣欽惟我
皇上

功超千聖

德邁百王

恩膏久洽乎羣倫教育益深於多士軫念人才難

得更令茅茹彙征欣逢康熙五十二年

皇上萬壽正誕特開鄉會兩科自茲億萬斯年永

爲定例

綸音徧布士氣奮揚將見人文蔚起齊祝

聖壽之無疆俊乂咸登共贊

皇圖之悠久茲據舉貢生監等呈請具

題前來事關輿情感戴不敢壅於

上聞臣謹會同督臣鄂海恭疏代謝

聖恩伏乞

皇上睿鑒施行

巡撫江西等處地方兼理軍務都察院右副

都御史加四級降一級臣郎廷極謹

題爲恭逢

萬壽加科共慶千秋曠典公懇詳請特疏具

題以謝浩蕩之

皇恩以祝綿長之

聖壽事據江西布政使司布政使傅澤淵詳稱據

南昌等十三府屬舉人貢監生員萬物觀郭

萬壽盛典補集 卷三十四 三
文正等呈稱欽惟

皇上聖教弘敷

天恩覃被千百國之人才蔚起億萬年之文運日
隆茲惟康熙五十二年恭遇

皇上六十萬壽瑞叶升恒祥徵清晏際此非常之
慶

特頒異數之恩爰於二月內開

萬壽鄉科於八月內開

萬壽會科嗣後每遇十年

皇上萬壽正誕即加一科億萬斯年永爲定例物
觀等忻遇太平

盛典欲申感激微忱爲此連名具呈公籲轉詳
題達庶使士子塗歌巷舞之誠上徹

宸聽益見

聖朝地厚天高之德徧愜輿情敬謝有加靡已之
皇恩虔祝悠久無疆之

聖壽等因轉詳到臣欽惟我

皇上

學邃聖神

心叅化育

治功廣運配行健以無疆

德教遐敷體至誠而不息四海慶昇平之治蕩

蕩巍巍三呼歌福祚之長熙熙皞皞日星雲

漢天開炳蔚之華棫樸菁莪士際休明之盛

茲康熙五十二年恭遇

皇上六十萬壽惟

天祐

聖齊景福於升恒惟

帝作人潤

皇猷於黼黻

俯俞羣願

特沛殊恩俾一歲而竝行鄉會科均霑

聖澤越十年而一舉億萬齡永作成模自此輿情

鼓舞統八方九有而愛戴咸周

聖曆綿延偕地久天長而文風遐播臣躬逢隆盛

心切歡欣茲者臣所屬地方舉貢監生生員

萬壽盛典初集 卷三十四
萬物覩等感

聖德之洪敷冀微忱之上達沐

恩如水與彭蠡以俱深戴

德如山偕廬峰而比重歡聲雷應千里皆同衆志

葵傾三霄不遠懷文而至皆願瞻

天子之光載筆而來惟咸祝

聖人之壽茲據布政使傅澤淵詳請具

題前來理合恭疏代

題伏乞

皇上睿鑒施行

萬壽盛典初集卷第三十四

總督廣東廣西等處地方軍務兼理糧餉兵部侍郎兼都察院右副都御史臣趙弘燦

總督管理直隸巡撫事務兵部侍郎兼都察院右副都御史世襲等精奇尼哈番臣趙弘燮

刑部雲南清吏司郎中臣趙之垣謹奏

萬壽盛典初集卷第三十五

恩賚六 開科三

巡撫福建等處地方提督軍務都察院右副

都御史 臣 覺羅滿保謹


題為

聖壽無疆

皇仁廣被懇疏代

題恭謝

天恩事據福建布政使司布政使金培生詳稱據



萬壽盛典校集 卷三十五
闔省鄉紳鄭開極舉人貢生監生生員鄭仁
陳嘉誠等呈前事內稱欽惟我

皇上

功高九有

德協三才謨烈開天玉帛來雕題漆齒勲華炳
日聲名極瀚海流沙造士右文學校普菁莪
之化崇儒重道黌宮興棧樸之歌五十載海
晏河清共戴

太平天子億萬年日升川至爭祝

有道聖人茲康熙五十二年恭遇

萬壽正誕

特加鄉會恩科多士嵩呼萬方雀躍真千古未有
之奇逢實萬世僅觀之

曠典也極等跪讀

恩綸曷勝歡忭伏念極等幸生

盛世適際昌期沐

聖化之煦濡三多是祝被

皇恩之浩蕩萬禩常新合情籲懇具

萬壽盛典卷三十五
題代謝

天恩俾海嶠儒生得露葵忱於

鳳闕全閩下士獲通蕪悃於

螭坳等情到司據此該本司布政使金培生看

得世際昇平慶雍熙於九域時逢泰運躋

仁壽於萬年粵稽虞帝作人爰奏薰風之治周王

壽考聿昭雲漢之章欽惟我

皇上

德配清寧

壽同河嶽旁求俊乂稱有道之昌期掄拔英才

頌無疆之瑞應茲康熙五十二年恭遇

皇上萬壽正誕

允直省士子之請開

萬壽鄉會之科普天共慶文光射斗宿之區多士

同春瑞氣拱紫垣之曜理合據呈轉請代

題陳謝等因到臣欽惟我

皇上

稽古右文

萬壽盛典卷之三十一
體元建極

聖神廣運乾坤符悠久之徵

壽考作人日月動光華之照

化溥於詩書禮樂薄海同風

頌興於棫樸菁莪敷天徧德南金竹箭爭呈珍

異於

王家威鳳祥麟共效羽儀於

盛世乃

帝壽方增之會正人文大啟之時

寶曆無疆初應

昌期於周甲

聖人有道預頒

異數於寰區

特俞多士之嵩呼爰舉兩闈之

曠典自今伊始永作成規每遇十年用加一次

春風省院鹿鳴高協笙簧秋雨容臺雁塔爭

題姓氏緬茲率土共沐

恩波惟此全閩尤涵

萬壽盛典卷之三十五
聖澤玉蘊羣峰之表九曲朝輝珠懷環海之中十
洲宵媚從此日升川至三台常拱於

北辰鳳起蛟騰五緯恒昭於南極旣據布政使金
培生詳懇代

題前來臣不敢壅於

上聞謹會同閩浙總督臣范時崇合詞代

題恭謝伏乞

皇上睿鑒施行

巡撫山東等處地方督理營田兼理軍務都

察院右副都御史加五級臣蔣陳錫謹

題爲

聖主壽考作人曠典歡騰多士懇賜代

題恭謝

天恩以達輿情事據濟兗東青萊登六府舉貢監

生員李壽彭李仁壽等呈前事內稱欽惟我

皇上

德協清寧

道隆今古聲靈赫濯闢百王未闢之封疆政教

光昌興千古未興之禮樂五十載虞門四闢
籲俊無方數十科周制三升登賢有路固已
江蘭湘芷無非

王者之香荷版投綸盡是

聖人之佐茲五十二年恭遇

皇上六旬萬壽

國慶舒長會風虎雲龍而類聚士歌仁壽萃岡
陵松柏以駢臻

特沛洪恩於二月鄉試八月會試凡遇

萬壽正誕即加一科億萬斯年永爲定例桃花浪
暖湧出千層桂子香清飄來萬里

一人參三才而竝永綿曆無疆多士應一德之旁
求瞻顏有喜菡林慶溢舉頭見五色之雲朝
士感深拜手進九如之頌壽彭等獲生齊魯
教久被乎杏壇喜近雲霄恩先霑乎

楓陛禮隆闕里欣瞻

鑾輅之遙臨念切民依數沐

恩綸之下沛昨秋廣額已慶連茹來歲增科更欣

樂育沐

弘膏於無已蕩蕩難名際泰運之極隆巍巍莫贊
得名得壽但有詠歌寢熾寢昌尤深抃舞爲
此具呈恭謝伏乞代

題等情到臣欽惟我

皇上

功高湯武

德邁唐虞重道崇儒率土仰光華之治右文稽
古普天霑教育之恩恭逢

聖壽昌期

特舉掄才曠典每十年而增一試開億萬禩

壽考之長以一歲而試兩科萃十五省人文之盛
帝德與天同運

皇猷如日初升朝野騰歡儒林動色茲據闔省士
子籲懇代爲

題謝臣不敢壅於

上聞臣謹會同學臣陳恂合詞具

題伏祈

皇上睿鑒施行

巡撫山西太原等處提督雁門等關軍務兼
理雲鎮都察院右副都御史加四級臣蘇克
濟謹

題爲呈請代

題恭謝

皇恩事康熙五十一年六月初三日據闔省舉貢
生員劉璋等呈稱欽惟我

皇上

道冠古今

德參天地

體乾行而出治遠過周曆千年

本離照以崇文快覩虞門四闢固已人登壽域
普天共效嵩呼世躋春臺率土齊霑

帝澤矣乃六十年之景運方地久而天長十五國
之人文復雲蒸而霞蔚

特允章縫之請遂

頒渙汗之音

曠典弘開

恩綸廣沛設特科於制科之外搜奇士於多士之中從此臺敞黃金明月與夜光竝進班聯玉笋鳳毛兼麟角齊收二月桃花翻同丹桂中秋紅葉疑是杏林璋等久沐

殊恩彌深歡忭欣逢

異數愈切頌揚但草野微忱無由上達伏懇俯准輿情代

題恭謝庶億萬斯年長沐菁莪之化而八千爲

歲永來嵩嶽之呼矣等情到臣欽惟我

皇上

與天同運

如日方升奮武揆文

聖教誕敷於四海崇儒重道

宸章光耀於萬方茲康熙五十二年恭遇

皇上六十萬壽華封有祝歷服無疆特行鄉會兩科用彰太平盛事嗣後每遇十年

皇上萬壽正誕即加一科永爲定例此真千古未

有之

曠典也

恩綸到晉通省士子無不歡忭踴躍感激

皇恩浩蕩欣瞻

聖壽升恒紛紛具呈公請代

題恭謝

天恩前來臣不敢壅於

上聞謹會同學臣孔尚先合詞具

題伏乞

皇上睿鑒施行

巡撫河南等處地方提督軍務兼理河道兵

部左侍郎兼都察院右副都御史加四級臣

鹿祐謹

題爲

萬壽之特科肇舉多士之欣戴彌深恭疏代

題叩謝

天恩事據河南通省紳士原任吏部尚書宋犖工

部侍郎李元振內閣學士兼禮部侍郎張榕

萬壽盛典卷之三十一
端舉人貢監生員閔式鑛李永福等呈爲
萬年之曠典特加九土之士心齊奮敬懇代

題恭謝

天恩事欽惟我

皇上

化成久道

時際文明舜日方長咸慶夔龍爲佐商霖是用
益賡仁壽無疆民務農桑賀昇平者由中及
外士陶禮樂沐教育者軼後超前尺璧寸珠

搜羅徧夫四海春華秋實採掇及於兩河茲
康熙五十二年恭遇

萬壽聖誕

特賁恩綸於二八月舉行鄉會試嗣後每遇十年
萬壽正誕即加一科永爲定例

隆恩溥浹多士歡騰犖等實感

高深未能報荅惟願

聖壽彌增於有永

皇圖鞏固於無窮伏乞恭疏代謝

萬壽盛典卷之三十三
天恩等情又據各司道據呈轉詳到臣欽惟我
皇上

如日之升

與天無極綜文武聖神之盛

德邁百王合位祿名壽之全

躬膺多福

徽音久著載歌棫樸之作人

純嘏常新咸喜梧桐之鳴鳳

聖澤徧敷雨露特加殊渥於八荒庶士齊奮風雲

愈固太平於萬載

恩綸大渙士子歡呼仰戴如天感激無地理合恭

疏

題報伏乞

睿鑒施行

巡撫陝西等處地方贊理軍務都察院右副

都御史加三級紀錄十三次臣永泰謹

題爲

聖主萬壽無疆人文千載奇遇籲請代

題恭謝

天恩事康熙五十一年七月二十五日據西延鳳
漢興五府州屬舉貢監生生員周延壽朱輔
煌等呈稱竊惟陝西鄙處邊陲去京遙遠前
者蒙

恩給種哀鴻興還集之思嗣後

賜復蠲租庶類有樂胥之慶由是風氣蒸蒸而日
上人文蔚蔚而改觀戶禮樂而家詩書樂辟
雍而聞鐘鼓五十二年值我

皇上萬壽正誕宏開鄉會恩科四海英流共切二
天之戴三秦遠地亦邀一視之仁久道化成
望天章而歌雲漢百年必世頌棫樸而詠菁
莪從此每遇十年思皇驥首於王路恭逢
萬壽羣英雲集於

天家多士一心食德敢忘圖報

君門萬里下情無以上陳伏乞俯賜

題謝以達輿情等因到臣據此欽惟我

皇上

德竝高深

功同化育

太平至治開萬年有道之祥

異數掄才彰

壽考作人之盛惟茲康熙五十二年恭逢

皇上六十正誕普天同慶

曠典特行十五省邀破格之

弘恩億萬載垂無疆之定例從茲周楨益茂士

林竝效

嵩呼舜壽無疆臣庶咸思

華祝茲據士子合詞呈懇

題謝又據布政使魏圖布按察使薩穆哈會詳

前來臣不敢壅於

上聞謹繕疏代

題伏乞

皇上睿鑒施行

巡撫甘肅寧夏臨鞏等處地方贊理軍務兼

理茶馬都察院右副都御史加二級臣岳拜

謹

題爲

萬壽弘作人之化重熙沐千載之

恩公籲代

題以伸謝悃事康熙五十一年七月十八日據
甘肅寧夏平慶臨鞏舉人貢監生員吳郡尹
誥等呈稱竊郡等生長西陲遭逢

盛世橫經負耒安耕鑿而戴

堯天吹雅歌風樂昇平而遊

舜日自荷頻年廣額士氣罔不奮揚驟聞來歲
賓興奎宿因而倍煥欽惟

皇上文武聖神固已東漸西被祿位名壽宜其地
久天長爰於明年二月特開鄉試八月特開
會試陶成造就凡成人小子靡不眉宇飛揚
教養涵濡即老生宿儒亦各神情鼓舞況垂
爲定例永遠遵行自十載而至億萬載

聖壽遐昌由一科而加數十科人才輩出此真
盛世之殊恩亘古所僅見者也所有感謝下情

乞祈上達

天聽等情到臣據此欽惟我

皇上

聖學如天

皇猷炳日建中表極八埏文命覃敷詣聖入神億載光華茂著崇黌儒以重道澤及前賢

親廷試以掄才恩流多士康熙五十二年恭逢

皇上六十萬壽正誕之辰特行鄉會兩試嗣後每遇十年即加一科億萬斯年永爲定例斯誠

太平盛典千秋曠事也茲據闔省士子感激

皇恩環集臣署歡欣抃躍望

闕叩首齊祝

萬壽無疆并具呈懇請代謝出自真誠理合恭疏

代

題以

聞

巡撫廣東等處地方提督軍務兼理糧餉都

察院右副都御史臣滿丕謹

題爲恭謝

天恩代達輿情事康熙五十一年八月初三日據
鄉紳鄭際泰等舉貢監生生員何有畧等呈
爲

萬壽開科千古奇遇士民感沐

殊恩懇請代

題恭謝事竊惟三年取士乃國家之常經一道
同風實帝王之盛治何幸干支癸巳之歲正
值

皇上花甲之周

特設恩科欣逢

曠典沛澤倍深於雨露作人實冠於古今

萬壽無疆已增十五省太平之象

一人有慶自綿億萬年

壽考之科仰五嶽之峰難形

厚德測八溟之水莫罄

深恩泰等身際唐虞恩霑覆冒擬申封祝莫罄
輿情懇祈俯准下悃代達

宸聽等情到 臣 欽惟我

皇上

學貫古今

功同覆載崇儒重道六十載之文運彌新

壽考作人億萬年之科名特設不惟宮牆多士欣

逢

曠典之加而且草野遺賢羣仰

聖朝之化茲據紳衿等趨赴省城踴躍歡呼焚香

叩首環 臣 衙門懇請代

題恭謝

天恩 臣 謹會同兩廣總督 臣 趙弘燦合疏具

題伏乞

皇上睿鑒施行

巡撫廣西等處地方提督軍務兵部左侍郎

兼都察院右副都御史加三級 臣 陳元龍謹

題爲

天曆無疆人文有幸謹據輿情代

題恭謝

皇恩上祝
聖壽事欽惟我

皇上

治邁唐虞

道綜洙泗

文思光被歷五十餘載之漸摩

德化覃敷開億萬斯年之樂育

昇平旣久戶盡絃歌

作養恩深人知磨礪所以山陬海澨皆率教於

詩書即使蠻土洞獠亦回心於禮義欣逢
聖主之在御共慶

壽考之作人亘古以來未有盛於

今日者也臣於本年六月初一日准禮部咨文
內開康熙五十二年恭遇

皇上萬壽正誕照順治丙戌科通行鄉試巳亥科
特行會試之例於二月內舉行鄉試八月內
舉行會試嗣後每遇十年

皇上萬壽正誕即加一科永爲定例仰荷

俞旨通行等因臣即出示曉諭并檄布政司轉行
各府州縣徧行曉諭俾遠方士子早聞
曠典共戴

殊恩隨有桂林府屬貢監生員唐時儒等歡呼環
繞呈稱廣西地最僻遠人皆樸陋邇年仰蒙
我

皇上撫綏澤溥作養恩深讀書之士漸多觀光之
念頗切今年會試廣西於中式一名之外復
蒙

欽賜進士一名遠方聞之無不踴躍思奮茲明年
二月又蒙

特恩開科從此蠻煙瘴雨之鄉漸覩棫樸菁莪之
盛不覺歡聲動地惟願

聖壽齊天但感激下情無由上達懇乞代

題等情續據布政使黃國材詳稱據桂平慶梧
潯柳太思南等府申據各屬士子具呈籲請
代

題恭謝

萬壽盛典卷之五
天恩等情到臣該臣看得遐方慕化慶

文治之彌隆率土呼嵩綿

寶曆於莫量似此羣情歡忭不敢壅於

上聞理合據實具疏代

題伏乞

皇上睿鑒施行

提督四川等處學政翰林院編脩加一級臣

王誥謹

奏爲恭逢

萬壽開科普天頂祝懇請

題謝以達輿情事康熙五十一年七月初八日

據通省舉人貢監生員趙瑄李正茂等呈前

事呈稱竊惟

北辰瞻文教覃敷

南極偕奎光竝永恭惟我

皇上

聖神文武

濬哲欽明風動時雍薄海沛昇平之澤禮明樂

萬壽盛典卷之三
備遐陬均陶淑之仁乃者

壽域弘開共效升恒之頌

恩膏廣被務羅廊廟之材歌苹鹿於春風杏林艷
發宴瓊林於秋月桂樹香飄萬口歡騰多士

重霑

化育一時傳布九圍仰慶

岡陵懇乞俯察輿情代疏

題謝等情到臣欽惟我

皇上

文明御世

仁壽承天統萬國之衣冠道翔化洽萃百王之
禮樂治定功成猶乘萬幾之餘

特闡五車之蘊

宸章璀璨布家絃戶誦之書

睿鑒精微啟內聖外王之學彙征連茹四海恭際
昌期

壽考作人

三殿新頒

曠典凡茲多士悉荷

恩榮況屬邊陲彌深受戴從此卜年卜世永垂選
士之規爲春爲秋盡效封人之祝矣理合繕
疏代

題伏乞

皇上睿鑒施行

巡撫雲南兼建昌畢節等處地方贊理軍務
兼督川貴兵餉都察院右副都御史加七級
臣吳存禮謹

題爲

聖主當

萬壽之昌期多士沐千秋之

曠典呈懇代

題恭謝

天恩事據通省舉貢監生生員熊載趙璽等合詞
呈稱伏遇我

皇上握乾符而御世秉離照以當天

文德敷於八荒

令典垂之奕禩弘開

壽域配天地而無疆特沛

恩波詠菁莪而不息桃花浪暖羣霑蒞榜之春
桂子香清分錫紅綾之餅自此祥徵雲漢長
庚炳耀於層霄行看光射斗牛奎壁騰輝於
東井載等邊荒下士久沐深仁聞命自天感
深率土伏乞俯念微誠恭疏具

題叩謝

皇恩等因到臣欽惟我

皇上

聖神立極

覆載同符

帝德當陽萬國祝齊天之壽

皇猷煥日千年頌毓聖之祥欣當華渚之期

特舉闢門之典

堯齡益茂沛膏雨於乾坤

舜日增華普文明於宇宙真從來所未有千古
所難逢自此東西南朔之人益鼓忠孝尊親

之志願歌

聖壽同地久而天長爭祝

皇圖竝川深而嶽永謹會同雲貴督臣郭璫合疏
具

題伏乞

睿鑒施行

巡撫貴州兼理湖北川東等處地方提督軍
務都察院右副都御史加三級臣劉蔭樞謹
題爲萬邦欣

聖壽之方升多士感

皇仁之誕被仰祈

題達恭謝

天恩事據貴州布政使司布政使遲所詳稱據貴
州闔屬紳衿萬民欽王萬年等呈稱欽惟我
皇上

德叶乾坤

功侔日月厚生正德躋編氓於仁壽之安重道
崇儒迪耄士於文明之盛蓋王者鍾靈而出

宜集慶夫三多況聖人拔萃以生必化隆乎
九有曩者格中破格青衿已廣棘院之名科
外設科白衣亦直玉堂之署猶復特恢解額
大啟賓興洵乎普天咸頌昌期僻壤亦欣文
治矣茲值

元辰之初度猶蒙

恩詔之弘頒浪暖桃花看俊造龍門早躍香飄桂
子喜英才鴈塔聯標由首善以迄遐荒竝邀
曠典自周甲以臻萬禩長荷

殊恩民欽等幸際

休明躬承

雅化縱黔山小草難同榷梓以爭榮而富水纖
鱗亦附蛟龍而思奮旣幸觀光有路易禁華
祝惟誠伏懇俯念輿情轉請

題達等因到

臣

據此該

臣

看得惟天帡冒九州

霑茂育之仁如日照臨萬物切升恒之慶旣
久道之化成自人文之蔚起雲蒸豹變永作
國家之楨連茹彙征常收梁棟之用自此

萬壽無疆日見人文丕振不惟十五省歡呼踴躍
沐化雨與春風固應億萬年沐浴詠歌慶天
長與地久矣謹恭疏代

題伏乞

皇上睿鑒施行

總理糧儲提督軍務巡撫江寧等處地方都

察院右僉都御史

臣張伯行謹

題爲恭逢

萬壽昌期等事該

臣

看得久道化成四海荷

一人有慶闢門籲俊八埏頌

萬壽無疆崇文旣

特設巍科重武亦竝頒

曠典欽惟我

皇上

聖教弘敷

帝謨廣運恭遇

楓宸六十之寶曆載拔干城欣占

黼座億萬之璿籌永開葢榜從此科名展綵皆由

壽考作人宜乎士子弁兵莫不呼嵩抃舞環請代
謝

天恩也茲據布政使金世揚詳報前來相應恭疏
代

題伏乞

皇上睿鑒施行

巡撫山東等處地方督理營田兼理軍務都
察院右副都御史加五級臣蔣陳錫謹

題爲

聖壽之洪恩普徧武科之

曠典宏開公籲代

題以申嵩祝事據濟兗東青萊登六府武舉王
永祥等武生張壽昌等呈稱我

皇上

道冠百王

德隆五帝恭逢五十二年

皇上六十大慶各省武生准於四月鄉試武舉十
月會試

皇猷重道鄉與會一歲兼行
壽考作人文與武兩途竝進

曠典垂爲定例長歌

萬壽無疆遐方悉荷

殊恩羣頌

一人有慶愚賤下忱無由上達伏懇代

題等情到臣欽惟我

皇上

功高千古

學貫三才

文德覃敷率土沐光華之盛

天威休暢遐方仰耆定之勲恭遇

萬壽昌期

特舉掄才

曠典每十年加增一科合文武永爲定例巍巍

帝德弘開萬年登進之階蕩蕩

聖恩永宣壽考作人之化

聖德與天而同運

皇猷如日之初升朝野騰歡旂常動色茲據闔省
武舉武生紛紛環繞臣署籲請代為

題謝臣不敢壅於

上聞謹會同學臣陳恂合詞具

題伏祈

皇上睿鑒施行

巡撫河南等處地方提督軍務兼理河道兵
部右侍郎兼都察院右副都御史加五級臣

鹿祐謹

題為

萬壽開科

曠典疊沛紳士弁目感戴彌愬謹公請代

題叩謝

天恩事據武舉趙元璧武生杜進才等呈稱欽惟
皇上

文德覃敷

武功赫濯車書徧於萬國懷德者無不畏威聲
教訖於九圍瞻雲者皆思就日先文後武大

萬壽盛典卷之三十一
開籲俊之門一視同仁再舉賓興之典茲康
熙五十二年恭逢

皇上萬壽正誕

特沛恩綸於四月十月舉行武鄉會試嗣後每遇
十年

萬壽正誕亦照文場之例即加一科

隆恩溥浹士子歡騰璧等感戴

高深無由報稱謹焚香頂祝惟願

聖壽彌增

皇圖永固伏乞俯鑒輿情恭疏代

題叩謝

皇恩等情到臣欽惟我

皇上

文教覃敷

武功赫濯崇儒重道屢廣科名明目達聰弘開
籲俊旣棫樸之兼收恩流魚麗復韜鈴之竝
進澤沛兔罝越十載而一行歷萬年以爲例
是以

萬壽盛典初集卷第二十五
恩綸下賁歡騰騏驥之林

盛典方頒喜溢赴桓之隊既據各呈請

題謝前來臣不敢壅於

上聞理合恭

題代謝伏乞

皇上睿鑒施行

萬壽盛典初集卷第二十五

總督廣東廣西等處地方軍務兼理糧餉兵部右侍郎兼都察院右副都御史臣趙弘燦

總督管理直隸巡撫事務兵部右侍郎兼都察院右副都御史世襲等精奇尼哈番臣趙弘燮

刑部雲南清吏司郎中臣趙之垣謹校刊

萬壽盛典初集卷第二十六

恩賚七 賞兵一

康熙五十一年二月十八日

萬壽覃恩詔給八旗護軍校前鋒及護軍各一年


錢糧撥什庫披甲人各半年錢糧外省駐防

兵亦照此例其曾効力行間年老閒住者均

加

恩賜

戶部欽奉



7

2

恩詔銀庫賞給銀數

一鑲黃等八旗都統咨取每月五兩錢糧覺羅護軍等每名各賞一年銀六十兩每月四兩錢糧護軍等并護軍校每名各賞一年銀四十八兩每月三兩錢糧漢護軍等每名各賞一年銀三十六兩每月五兩錢糧覺羅阿敦梅倫等每名各賞半年銀三十兩每月四兩錢糧撥什庫等每名各賞半年銀二十四兩每月三兩錢糧披甲等每名各賞半年銀

十八兩每月二兩錢糧鍛匠撥什庫等每名各賞半年銀十二兩每月二兩錢糧步甲撥什庫外郎拜湯阿等每名各賞半年銀十二兩每月一兩七錢錢糧匠人等每名各賞半年銀十兩二錢每月一兩五錢錢糧步甲等每名各賞半年銀九兩每月一兩錢糧拜湯阿等每名各賞半年銀六兩每月八錢錢糧鞭子人等每名各賞半年銀四兩八錢每月五錢錢糧閒散人等每名各賞半年銀三兩

共賞給銀二百五十六萬三千五百三十兩

一武備院咨取每月一兩錢糧沙河氍匠等每名各賞半年銀六兩

共賞給銀一千五十六兩

一鑾儀衛咨取鑲黃等三旗每月二兩五錢錢糧校尉大鼓手大等每名各賞半年銀十五兩每月二兩錢糧校尉鼓手等每名各賞半年銀十二兩每月二兩錢糧請轎民校尉

等每名各賞半年銀十二兩每月五錢錢糧七所執

駕民校尉等每名各賞半年銀三兩

共賞給銀一萬二千八百一兩

一太僕寺咨取每月一兩錢糧左右兩翼馬

羣固山大阿敦大梅倫阿敦人等每名各賞

半年銀六兩

共賞給銀一萬一百八十二兩

一慶豐司咨取每月一兩錢糧牛羊羣阿敦

人等每名各賞半年銀六兩

共賞給銀八十四兩

一上駟院咨取每月一兩錢糧馬駝羣阿敦人等每名各賞半年銀六兩每月二兩錢糧上都達布遜諾爾馬駝羣達里岡艾馬駝羣阿敦大梅倫阿敦人等每名各賞半年銀十二兩每月一兩錢糧阿敦大梅倫阿敦人等每名各賞半年銀六兩每月二兩錢糧醫生等每名各賞半年銀十二兩

共賞給銀一萬八百八兩

一盛京戶部咨取

盛京

三陵并盛京等處撥什庫拜湯阿兵丁等

共賞給銀三十五萬兩

一查哈喇等處每月二兩錢糧護軍等并護軍校每名各賞一年銀二十四兩每月二兩錢糧撥什庫拿賊兵丁等每名各賞半年銀十二兩每月一兩錢糧披甲鐵匠并蒙古閒

散人等每名各賞半年銀六兩每月五錢錢糧受傷閒散蒙古等每名各賞半年銀三兩共賞給銀六萬三百五十七兩

戶部欽奉

恩詔緞疋庫支給曾効力年老人等總數

一滿洲兵丁原曾披甲効力并年老告退人等共二千五十一名每名各賞山西生絹一疋三線白布三疋

共賞給西絹二千五十一疋三線布六千

一百五十三疋

戶部爲欽奉

恩詔事康熙五十二年三月十八日

恩詔內開一昔年存亡之秋在在用兵朕所親歷今雖承平而武備不可不謹故時加訓練八旗兵丁盡已精銳茲特大沛恩賜護軍校前鋒及護軍各賞給一年錢糧撥什庫披甲人各賞半年錢糧外省駐防之兵亦照此例欽此相應行文直隸各省督撫將軍將實在駐防兵丁查

明動用現貯司庫銀兩遵照

恩詔賞給務使各人均霑實惠仍將動用錢糧并兵丁數目造冊報部可也

一直隸保定等十九處駐防撥什庫披甲兵共二千一十一名各賞給半年錢糧

共賞銀二萬九千三百三十四兩

一江南駐防八旗撥什庫三百三十六名每名半年銀十八兩披甲兵三千六百六十四名每名半年銀十二兩

共賞銀五萬十六兩

一京口駐防八旗撥什庫四百二名馬兵一千五百九十八名步兵一千名砲手六名隨旗當差民砲手三十四名銅匠藥匠四名戈什哈三名弓匠鐵匠十六名

共賞銀三萬三千五十四兩

一浙江駐防八旗撥什庫三百九十二名披甲兵二千八百八名

共賞銀四萬七百五十二兩

一湖廣荊州駐防八旗小撥什庫三百三十六名披甲兵三千六百六十四名

共賞銀五萬零一十六兩

一福建駐防撥什庫披甲馬步兵丁二千四十二名

共賞銀二萬二千七百六十兩

一山東德州駐防撥什庫三十四名披甲兵三百三名匠人四名

共賞銀四千二百七十二兩

一山西太原駐防正藍鑲藍兩旗滿洲蒙古撥什庫四十名披甲兵三百七十三名弓匠二名鐵匠二名

共賞銀五千二百二十兩

一大同右衛駐防八旗滿洲蒙古撥什庫三百八十四名披甲兵二千六百二十名鐵匠一百一十二名蒙古撥什庫兵一千三百四十三名隨兵一十六名永吃餉銀閒散老人一名

共賞銀六萬五千八百八十兩

一陝西西安駐防八旗滿洲蒙古漢軍小撥
什庫前鋒壯大五百三十六名披甲兵六千
四百六十四名又川陝總督親隨滿洲披甲
四十名

共賞銀八萬七千六百九十六兩

一廣東駐防八旗小撥什庫三百二十名披
甲兵二千六百八十名砲手二十四名弓匠
一十六名

共賞銀三萬八千三百四兩

四月二十二日己巳

皇上分遣祭告大臣

命即兼往各直省監賞綠旗兵丁務令均霑實惠
其無祭告省分另遣專官

四月初五日戶部等部尚書臣穆和倫等謹
題爲欽奉

恩詔事康熙五十二年三月十八日

恩詔內開一款各直省綠旗兵丁俱應加賞賚著

議奏欽此欽遵查在京巡捕三營馬步兵丁三千五百名直隸馬步兵丁三萬四千八百一十二名江南省馬步水師兵丁五萬四千七百七十二名山東省馬步水師兵丁一萬八千四百名山西省馬步兵丁二萬五千九百九十四名陝西省馬步兵丁八萬五千六百二十三名河南省馬步兵丁九千六百五十三名浙江省馬步水師兵丁四萬六百八十八名江西省馬步兵丁一萬四千一十三名湖廣

省馬步水師兵丁三萬八千五百七十七名四川省馬步兵丁三萬六百二十名福建省馬步水師兵丁六萬三千一百四十六名廣西省馬步兵丁一萬九千三百三十一名雲南省馬步兵丁四萬一千五百八十名貴州省馬步兵丁二萬三百六十名以上綠旗兵丁共五十萬九百八十九名該臣等會議得康熙五十二年三月十八日欽奉

恩詔內開一各直省綠旗兵丁俱應加賞賚著議

奏等語現今趙申喬等前往廣東順便將該省
綠旗兵丁動支司庫銀兩親行監看各賞銀
一兩等因九卿會議具題行文應將廣東省
綠旗兵丁不議外其京城巡捕三營綠旗兵
丁動支戶部庫銀照賞給廣東綠旗兵丁各
賞銀一兩交與提督隆科鐸親行監看賞給
至各直省綠旗兵丁賞給之處若交與督撫
提鎮賞給恐兵丁不能得霑實惠亦未可定
應將各直省派內大臣侍衛部院堂官俟

皇上揀選每省各遣一員動支各該布政司存庫
銀兩亦照廣東綠旗兵丁各賞銀一兩令伊
等親行監看真正兵丁按名逐一查點散給
務令均霑實惠俟

命下之日將應遣大臣官員開列具奏可也本月
初七日奉

旨依議

提督九門步軍巡捕三營統領隆科鐸奉

旨監賞京城巡捕三營綠旗兵丁五月十六日賞

馬兵十八日賞步兵

三營馬步兵丁共三千八百九十二名

共賞銀三千八百九十二兩

四月初六日禮部尚書臣赫碩色等謹

題爲欽奉

恩詔事

全疏載第十卷祭告中本月十三日奉

旨恩詔內有各直省綠旗兵丁俱應加賞賚一款今各省鎮廟等處遣官致祭其賞賚綠旗兵丁之事即著致祭官員帶同監賞一次即可完畢

不必再差且不致重復騷擾驛站若無祭祀省分另派官員前往這所差著查八旗副都統以下叅領以上并各部院衙門堂官開列具奏
四月十六日禮部等部尚書臣赫碩色等謹
題爲欽奉

恩詔事該臣等會議得禮部具題應差鎮廟等處致祭官員列名具奏奉

旨恩詔內有各直省綠旗兵丁俱應加賞賚一款今各省鎮廟等處遣官致祭其賞賚綠旗兵丁

之事即著致祭官員帶同監賞一次即可完畢
不必再差且不致重復騷擾驛站若無祭祀省
分另派官員前往這所差著查八旗副都統以
下叅領以上并各部院衙門堂官開列具奏欽
此又查戶部等部先經議奏疏內賞賚直隸
各省綠旗兵丁應將內大臣侍衛部院衙門
堂官各派一員差往等因具題奉

旨依議欽遵在案查盛京無綠旗兵丁賞賚廣東
綠旗兵丁之事已交與左都御史趙申喬等

監賞不議外直隸陝西四川江南浙江山東
河南湖廣山西應令致祭官帶給其江西福
建廣西雲南貴州等五省無致祭之處每省
各遣官一員前往監賞將應差官員職名另
行開列摺子具

奏俟

命下之日賞賚銀兩令其動支各省布政司庫內
錢糧給與勘合由兵部給發可也臣等未敢
擅便謹

題請

旨本月二十二日奉

旨長白山醫巫閭山等處遣覺羅歪三致祭遼太祖陵遣殷濟納致祭南海遣馬雲霄致祭顓頊高陽氏等陵遣王臣致祭黃帝軒轅氏等陵遣蔡升元致祭西嶽華山及江瀆等處遣查弼納致祭南鎮會稽山遣拉都渾致祭夏禹王陵及明太祖陵遣周起渭致祭東嶽泰山等處遣孫柱致祭少昊金天氏等陵孔子闕里遣廖騰燧

致祭中嶽嵩山等處遣李先復致祭太昊伏羲氏等陵遣明安致祭南嶽衡山遣羅占致祭炎帝神農氏等陵遣陳汝咸致祭女媧氏等陵遣鄒士聰致祭北嶽恒山等處遣李敏啟致祭江西賞賚綠旗兵丁著額爾氣去福建賞賚綠旗兵丁著穆賽去廣西賞賚綠旗兵丁著許廷臣去雲南賞賚綠旗兵丁著瓦哈立去貴州賞賚綠旗兵丁著朱廷柱去餘依議

四月二十八日都統馬雲霄等恭請

聖訓面奉

上諭祭告有一定之例賞兵是要緊事督撫提鎮至千把總有一定的空糧朕都知道的是賞不得的各省多寡不等也有沒有的也有頂名食糧的年貌不對你們查一查督撫的兵你們自賞提鎮以下兵會同督撫去賞不用提鎮各營頭都要到去你們賞了兵後馬步箭也要看一看直隸山東河南山西陝西的兵都好陝西有一名兵糧缺出就有二三十人爭食此糧湖廣

的兵近來也罷了江南浙江的兵都看不得若有一名缺出還有僱人頂名的凡應操演大家還要湊銀子與他們求免操演他們就不操了朕南巡時係大典不便細查近來武場開科兵丁也都念些書曉些事你們去不可苛索你們的聲名朕裏面就曉得若有此等事你們還是人麼怎麼回來見朕呢

五月二十七日大學士溫達松柱學士舒蘭

馬良綽奇啟奏折本奉

旨賞給直隸各省綠旗兵丁若令督撫每營到去
恐致有悞地方事務督撫停其前往會同各該
提鎮等閱看賞給著速行文直隸各省

康熙五十三年四月初四日正藍旗蒙古都

統臣穆賽等謹

奏爲欽奉

恩詔事我

皇上功德負隆恩威遐暢愛養軍民澤周利溥昨
歲恭逢

萬壽六旬正誕大沛

恩綸普天同慶更加意軍士

特命_臣等頒賞直省綠旗官兵誠千古曠典也_臣
等恪遵

諭旨按名給散均霑實惠更校閱騎射試演火器

大槩頗優而直隸陝西山東山西河南兵丁

騎射尤加熟練人材亦多壯健衆兵丁仰承

大賚自天共祝

長生不老且各處士民携老扶幼踴躍歡呼以爲

從來帝王所未有史冊所未聞至於秦蜀邊外及閩粵滇黔遠近番彝苗蠻猺獞黎岐聞恩命到時皆跪迎道左聚觀教場羣北面稽顙備奏感

恩之語咸申祝華之詞臣等躬逢盛事難罄名言謹將頒賞過直省兵丁數目開列於後爲此具摺奏

聞

直隸賞兵官正紅旗漢軍副都統王臣

直隸共兵三萬三千四百九十六名內除各官親丁三千一百三十六名新兵未補兵三百七十七名不賞外應賞馬步兵二萬九千九百八十三名實賞銀二萬九千九百八十三兩

陝西賞兵官內閣學士兼禮部侍郎蔡升元陝西省共兵八萬五千六百二十三名除各官一定親丁六千三百三十一名又各提鎮分外隨丁六百二十一名不賞外應

賞兵丁共七萬八千六百七十一名實賞銀七萬八千六百七十一兩

四川賞兵官內閣學士兼禮部侍郎加一級查弼納

四川省共兵三萬六百二十名內除各官隨兵二千六百九十四名公費空糧一百六十名革退等兵二百一名因冕山營游擊余祿虛兵叅審案內兵丁一百九十二名共三千二百四十七名不賞外應賞兵

二萬七千三百七十三名實賞銀二萬七千三百七十三兩

浙江賞兵官理藩院侍郎拉都渾

浙江省共兵四萬六百零八名內除親丁二千一百九十五名年貌不符一千二百二十五名三月十八日以後新補兵丁二千一百零四名逃亡未補兵丁二百十二名共五千七百三十六名不賞外應賞兵丁三萬四千八百七十二名實賞銀三萬

四千八百七十二兩

江南賞兵官詹事府詹事周起渭

江南省共兵五萬七千三百二十六名內
除缺額隨丁二千九百七十六名不賞外
應賞兵丁五萬四千三百五十名實賞銀
五萬四千三百五十兩

山東賞兵官吏部左侍郎孫柱戶部右侍郎

廖騰燧

山東省共兵一萬八千四百名內除各官

隨丁竝未補兵丁一千三百七十四名不
賞外應賞兵一萬七千二十六名實賞銀
一萬七千二十六兩

河南賞兵官兵部左侍郎加三級李先復都

察院左副都御史加一級明安

河南省共兵九千六百五十三名內除隨
丁等兵九百六十一名不賞外應賞兵八
千六百九十二名實賞銀八千六百九十
二兩

湖廣賞兵官通政使司左通政羅占大理寺少卿陳汝咸

湖廣省共兵三萬八千五百七十七名內除親隨等兵二千九百八十九名不賞外應賞兵三萬五千五百八十八名實賞銀三萬五千五百八十八兩

山西賞兵官內閣學士兼禮部侍郎鄒士璉太常寺卿加五級李敏啟

山西省共兵二萬五千九百九十四名內

除隨丁等竝未補兵丁二千八百一十三名不賞外應賞兵丁二萬三千一百八十一名實賞銀二萬三千一百八十一兩

江西賞兵官兵部郎中兼管佐領加一級鄂爾奇

江西省共兵一萬四千十三名內除親隨及未補兵丁七百九十九名不賞外應賞兵一萬三千二百十四名實賞銀一萬三千二百十四兩

福建賞兵官正藍旗蒙古都統穆賽

福建省共兵六萬三千一百四十六名內除親隨等兵五千八百八十七名不賞外應賞兵五萬七千二百五十九名實賞銀五萬七千二百五十九兩

廣東賞兵官都察院左都御史今陞戶部尚書趙申喬吏部右侍郎傅伸

廣東省共兵七萬七百六十名除各官隨丁字識京塘兵並不應領賞兵共未賞兵

丁四千三百九十三名實賞過兵丁六萬六千三百六十七名賞過銀六萬六千三百六十七兩

廣西賞兵官鑲白旗漢軍副都統許廷臣

廣西省共兵一萬九千三百三十一名內除親隨兵丁一千三百四十三名不賞外應賞兵一萬七千九百八十八名實賞銀一萬七千九百八十八兩

雲南賞兵官禮部郎中兼佐領加一級瓦哈

立

雲南省共兵四萬一千五百八十名內除親隨兵丁三千四百五十二名不賞外應賞兵三萬八千一百二十八名實賞銀三萬八千一百二十八兩

貴州賞兵官正白旗漢軍副都統朱廷柱

貴州省共兵二萬三百六十名內除親隨未補兵丁二千三百二十三名不賞外應賞兵一萬八千三十七名實賞銀一萬八

千三十七兩

直隸等十五省共兵五十六萬九千四百八十七名除親隨兵丁等四萬八千七百五十八名不賞外應賞兵丁五十二萬零七百二十九名實賞銀五十二萬零七百二十九兩

臣等恭紀賞兵盛典仰見

聖慮之深

聖仁之廣蓋自古有天下者莫能及也古者寓兵

於農田賦出車兵民合一其所以惠我農人者即所以綏我士卒自兵與民分而卹兵卹民畸重畸輕恒不得其平大約四郊多壘則重在兵海宇晏安則重在民故幸生承平之世民勞易見而兵獨若優游無事則轉予於卹靡所底止者往往有之君子讀出車諸什曲寫歸戍難言之隱而代陳其所不得已未嘗不歎古帝王矜卹軍旅之意入人之深而感人至後世所希邁焉荀卿謂桓文之節

制不可以敵湯武之仁義蓋文之所加者深則武之所服者遠德之所施者博則威之所制者廣三代之盛所以刑措兵寢而不用者其本末有序其施行有統也加之以意外之恩則知感齊之以一定之法則知懼蓋惟聖人首出聰明睿智神武而不殺者乃能及此亦惟享曆久長削平僭亂習知兵事乃能動爲世法震而不黷寬而不弛使武夫技擊感極而思奮也漢唐以還兵制屢更而犒師勞

士亦往往而有焉漢時南北兩軍悉調之農
猶有古之遺意南軍取之郡國爲宮城衛天
子以季秋及歲正月行幸曲臺臨饗勸勞以
農桑北軍取之三輔爲京城衛恩賚稍殺以
別中外唐府兵之制號極善其後弊也假人
爲傭冒濫不可詰開元二年命有司大募壯
士從軍引見置酒於朝堂享之乃遣薛訥等
訓練韜鈴并賜錢三千貫宋時州有屯兵者
官給錢宴犒將校謂之旬設元豐三年以新

製御陣大閱八軍於城南荆家陂賜指揮馬
步諸軍銀絹有差凡此賞賜多有與簡閱並
行者而聖節恩賚波及六軍史策所書不槩
見焉惟唐時以天長節左右龍武軍各賜物
千匹又眷念舊勲獨異常倫各賜物二千匹
餘各有差一時號爲創典然而私於中遺於
外規模迫陋不足侈矣我

皇上御極以來底定方隅澄清海內文思旣懋
聖武彌昭雖曰守成實符創業功高於霄漢威播

萬壽盛典卷之二十一
三
於要荒彰撻伐之聲靈奠懷柔之河嶽昔年
滇楚弄潢

皇上赫焉震怒爰命六師致討

親授方畧六詔廓清旣而漠北蠢動豕突羊驅
上乃親御韎韜遠踰絕塞駐狼胥而鞠旅臨稽落
以揚兵於是烏孫授首沙塞蕩平此皆神謀
之所不及而

聖算之所獨運者也嗣是櫓槍宵掩海波不揚而
天下不復知有兵矣顧承平日久兵氣易弛

國家有百年不用之兵不可無一日不備之
武

皇上天行彌健用戒用作不時飭勵武臣頻加訓
練屢賜優卹法至嚴恩至渥蓋藏至險於大
順之中使天下畏威六師知感誠所謂帝德
廣運乃聖乃神乃武乃文者矣今歲

萬壽之辰

特沛恩綸覃施四海正嵩呼華祝之期偃武修文
之日而

聖慮深遠大賚所加不忘軍士內而

京師八旗所統外而直省駐防督撫提鎮所轄
綜而計之奚啻百萬悉分別等差槩從優渥
內則由都統統領給發外則分遣大臣監賞
一時士卒盡沐

鴻休歡聲雷動咸厥角叩首仰頌

升恒共慶千古未逢之

曠典又

命直省賞兵之臣討其軍實而簡閱之既沛之以

恩又齊之以法震而不黷寬而不弛此荷戈之士

所以感極而知奮者乎夫蠲租賜賑養老慈
幼所以卹民也閱視戎行厚其犒賜所以卹
兵也二者國之大政

皇上育之以仁正之以義悉以精神恩意流貫乎
其間故兵與民雖分而一廛

宸衷軫念則咸歸怙冒無一物不得其所固宜沐
浴膏澤者羣戴

聖人之德而欣欣於化日之舒長也尚何畸重畸

輕之足慮哉其各省督撫提鎮代

題謝

恩章奏附載十數通以誌士卒感戴之誠云

萬壽盛典初集卷第三十六

總督廣東廣西等處地方軍務兼理糧餉兵部右侍郎兼都察院右副都御史臣趙弘燦

總督管理直隸巡撫事務兵部右侍郎兼都察院右副都御史世襲等精奇尼哈番臣趙弘燮

刑部雲南清吏司郎中臣趙之垣謹校刊

萬壽盛典初集卷第二十七

恩賚七賞兵二

鎮守宣化府等處地方副將管總兵官事臣

司九經謹

奏為羣兵沐

恩深重籲懇代

謝事竊臣同

欽差副都統臣王臣閱賞臣屬兵丁徧歷大小城

堡逐名給散踰月方完續據闔鎮協營路兵

目何崇先等公呈僉稱崇先等形同草木質
若螻蟻幸生

盛世得享昇平飲和食德被

覆載之弘庥履厚戴高沐

生成之雅化參養多年寸長未報今逢

大慶良辰更受

覃恩遐播

特命大臣徧施膏澤一身在伍舉室沾

恩上而父母胥飽食而暖衣下及妻孥咸安居而

樂業感激有心圖報無地惟有仰祝

聖壽與乾坤悠久

皇圖偕日月升恒而已等情到臣臣不敢壅於

上聞謹恭疏代

謝伏乞

皇上睿鑒施行

鎮綏將軍仍管陝西提督事務世襲拖沙喇

哈番加五級降一級留任臣潘育龍謹

題爲代

奏恭謝

天恩事竊臣前欽遵

上諭於閏五月二十八日自固原起程前赴西安
府會同

欽差內閣學士臣蔡升元在於臣所屬鎮協營路
給散

皇賞緣由業已題明在案臣按程東行於六月初
六日抵西安會省候

欽差臣蔡升元祭畢

陵寢於六月十一日進省宣布

皇恩首先

賞賚督撫兩標兵丁臣會同

欽差臣蔡升元督臣鄂海撫臣永泰賞西安城守
營兵丁每兵一兩稱足按名散賞閱射於六
月二十五日臣同

欽差臣蔡升元自西安府起程北行按營逐名足
數散賞閱射歷固原鎮屬之富平營金鎖關
營行至延綏鎮屬宜君營會同總兵臣李耀

由宜君鄜州延安綏德延綏鎮標竝城守營
及神木波羅定邊三協所屬各營堡汛賞畢
於八月初七日

欽差臣蔡升元行至寧夏鎮所屬花馬池地方會
同甘肅提督臣江琦寧夏鎮總兵臣范時捷
赴寧夏鎮屬

賞賚臣與

欽差臣蔡升元相議臣在所屬下馬關營駐劄俟
將寧夏鎮標營路賞畢來至下馬關臣會同

賞下馬關營紅德城營赴固原賞臣標伍營
及城守營慶陽協屬平涼各營暨靖遠協屬
蘆塘等營賞畢

欽差臣蔡升元赴甘肅涼州等處散賞臣暫回衙
署俟蔡升元將甘提所屬各鎮標營路賞畢
之日東來臣計日仍預先起程前赴臣所屬
之關山汛地等候迎會賞賚關山西鳳等營
從寶雞縣入連雲棧道赴漢中等處會同興
漢鎮總兵臣楊世昌賞該鎮屬各營兵丁事

萬壽盛典卷之二 第一
竣出大泥峪口往潼關等處行賞畢另疏具

題外茲臣等據賞過標協營堡兵丁咸跪聽

欽差臣蔡升元宣諭

皇恩領畢

皇賞羣望

闕叩頭謝

恩歡聲雷動齊言我等兵丁父母妻子荷蒙

皇恩豢養已屬

恩同天地今恭逢

皇上六旬大壽

九重萬里垂念兵卒

特沛殊恩我等無從仰報萬一惟有虔製

萬歲牌位每逢朔望闔家焚香叩頭共祝

萬壽無疆籲懇臣等代題謝

恩等情各具公呈到臣欽惟我

皇上德竝乾坤恩洽萬姓茲恭逢

萬壽六旬

大沛洪恩

特命學士臣蔡升元臨秦賞賚使均霑實惠臣目

擊衆兵領賞之際歡忭踴躍感激之衷發於
真誠不敢壅於

上聞所有賞過延綏鎮標協各營堡事竣情由及
士卒感激下悃理合繕疏一并代

奏恭謝

天恩以

聞伏祈

皇上睿鑒施行

巡撫四川等處地方提督軍務都察院右副

都御史加三級臣年羹堯謹

題爲籲恩代疏恭謝

皇仁事康熙五十二年三月十八日

萬壽恩詔內開一各直省綠旗兵丁俱應加賞賚

四川省

特命內閣侍讀學士臣查弼納到川賞給今於閏

五月二十六日

欽差學士臣查弼納抵川致祭江瀆事竣隨行散

給臣標兵丁茲據標下左右兩營馬步兵丁馬尚等呈稱尚等置身戎行生逢

盛世橐弓戢矢遊舜日之舒長海晏河清樂堯天而鼓腹五十餘載豢養之恩有加無已百千萬世樂利之休實符大造茲當五十二年

恭逢

皇上聖壽六旬又荷

隆恩下逮大賚兵丁誠古今未有之盛事從來莫覩之

曠典也尚等頂恩戴澤蕩蕩難名惟願我

皇上壽與天齊德同地載區區下情末由稱謝伏

乞代

題等情到臣據此欽惟我

皇上功侔造化德徧羣生措天下如磐石之安登斯民於仁壽之域河清海晏天開曆數方新日升月恒瑞叶禎符伊始欣逢

聖壽甲子初周中外臣民咸蒙

恩澤乃至荷戟之戍夫猶勞

聖懷之厯念茲者

欽差內閣侍讀學士臣查弼納赴川致祭江瀆事

竣先行賞資臣標兵丁臣已遵

旨未敢會同今據臣標兩營弁兵馬尚等呈請

題達代謝

天恩颺言莫罄少抒螻蟻之忱請祝

聖人聊效華封之頌所有感激歡忭輿情臣不敢

壅於

上聞謹恭疏具

題伏乞

皇上睿鑒施行

提督四川等處總兵官副將世襲拖沙喇哈

番臣康泰謹

題爲恭報微臣回署日期事竊臣奉

命同

欽差會同各鎮臣給散兵丁

皇賞查四川全省四鎮以下副叅遊都守各汛大

小五十六營駐防深山者居多臣等按臨給

散兵丁望

闕嵩呼叩謝

天恩已於四鎮四協各疏代

題在案更有各處番蠻亦皆聞風齊集如松潘
鎮屬之安撫司蘇文輝等土通判王懋恩等
長官司董德新等土巡檢司蘇天恩等土千
百戶札布吉等建昌鎮屬之宣慰司土婦瞿
氏安吉茂等宣撫司慕枝等安撫司俄車等
長官司張秀等土千百戶嶺安泰等永寧協

屬之長官司王嵩齡等土百戶路引等化林
協屬之招討司高若璠宣慰司楊自唐堅叅
達結等長官司周至德等打箭爐之宣慰司
土婦工喀等土百戶噶布玉等大小數百蠻
官各領蠻兵或千餘人或數百人不等各穿
蠻鎧蠻甲刀鎗器械各於該管地方跪道迎
送歡呼動地此皆我

皇上如天如地之帝德誕敷徧及中外感化之所

致也

臣蒙

皇上特命彈壓全川漢土官兵今見各土司如此
之心悅誠服歷考史冊所載未之前聞臣同

欽差復面宣

聖澤伊等愈加歡躍更竭微臣寸私仰體我

皇上柔遠之

聖意於大小土官頭目分別給與銀牌緞匹綾綢

布茶等物衆蠻兵給與牛羊米酒等物令其

各安住牧遵守

國法永不爲非以盡臣撫綏地方之職耳臣同

欽差於康熙五十二年十二月二十二日散畢全

川兵丁

皇賞

欽差回京復

命臣望

闕跪請

聖安今臣於十二月二十七日回署訖所有微臣

回署日期理合

題報臣謹具

題伏乞

皇上睿鑒施行

提督浙江等處地方總兵官左都督加三級
降二級留任戴罪圖功

臣吳郡謹

題爲彙叙輿情代謝

天恩事欽惟我

皇上仁同覆載化洽乾坤

御極五十二年

恩施千八百國旣已無遠弗届無微弗至矣際今

三月十八良辰恭遇

聖主六旬大壽

覃恩廣布於寰區賞賚復加於軍伍此誠亘古之
曠典希世之奇逢也

臣同

欽差內閣侍讀學士

臣

拉都渾先放紹寧杭嚴楓

衢次放嘉湖等屬標營

皇賞凡所到之處但見目兵衢歌巷舞感激歡呼

所有

臣

標五營寧波城守營竝准定海鎮

臣

吳陞咨據該標三營及鎮海營又據紹杭嚴

楓衢等營將轉據各目兵具呈感激

天恩籲請代

題緣由先經具疏

題報在案今先後接准處州鎮臣崔相國溫州

鎮臣胡泮黃巖鎮臣李近咨據各該標兵丁

并據金華溫州城守平陽瑞安樂清磐石大

荆太平台州寧海象山嘉興湖州太湖各協

營將轉據各營目兵劉安邦等呈爲僉懇代

題恭謝

天恩事詞稱竊惟邦等日蒙豢養虛糜

國帑之金錢坐享昇平實乏涓埃之報荅恭遇

皇上六旬大慶復荷賞賚

欽頒按名各給千古之

曠典欣逢實惠均霑三軍之歡聲動地從此每遇

十年共沐

洪恩於無盡則雖犬馬奕世難酬

至德於靡涯惟有朝夕焚香頂祝

皇上壽與天齊福同地久而已僉懇轉詳彙

題代謝等情各咨詳到臣緣係三軍感激輿情
臣不敢壅於

上聞理合彙叙具疏代

題伏乞

皇上睿鑒施行

總督江南江西等處地方軍務兼理糧餉操

江兵部左侍郎兼都察院右副都御史臣赫

壽謹

題爲兵丁感戴情深臣謹據情代

題恭謝

天恩事據臣標中軍副將楊弘基署江寧城守營

副將事左營遊擊周涵詳稱據臣標中左二

營馬步戰守兵丁高延齡等江寧協標左右

二營馬步戰守兵丁何邦祚等呈爲

聖恩高厚叩謝代

題以伸蟻悃事內稱竊延齡等生逢

盛世食糧充伍蒙豢養之

天恩際昇平之覆被犬馬微勞未曾寸展恭遇

萬壽盛典初集 卷三十七
三
皇上六旬大慶凡大小臣工

恩加襲蔭普天士子

特賜裁成老人盡荷

恩賚解網赦罪大沛

皇仁誠亘古未有之

隆恩也然猶念一夫不獲澤及荷戈小卒咸使飽

騰發數十萬之帑金

特命大臣按部賞給延齡等實霑

聖恩均蒙

天賚真淪肌浹髓不足以報稱萬一惟有恭祝

聖壽與天地同春

皇圖共山河竝永是所朝夕頌禱者也但蟻情不

能上達伏叩代

題恭謝

聖恩等情轉詳到臣據此該臣看得恭逢

皇上六旬大慶徧沛

恩膏普天臣民無一不霑

聖澤而猶軫念天下滿漢兵卒不惜數十萬之帑

金

特命廷臣按臨逐一頒給賞賚此誠亘古未有之殊恩也今臣標中左二營竝江寧城守營各兵經欽差詹事府詹事臣周起渭先臨省地宣播皇仁於六月十一日將臣標中左二營兵丁按名賞銀一兩又於十二日臣會同將江寧左右二營兵丁俱經先後按名賞銀一兩訖各營士卒無不歡聲雷動望

闕叩頭敬祝

聖壽無疆茲據臣標中軍副將楊弘基署江寧城守營副將事遊擊周涵詳據臣標中左二營兵丁高延齡等江寧城守營兵丁何邦祚等呈請代

題謝

恩前來臣不敢壅於

上聞謹具疏

題報伏乞

皇上睿鑒施行

巡撫江寧等處地方總理糧儲提督軍務都

察院右僉都御史

臣張伯行謹

題爲寰宇均霑

聖澤營兵竝沐

恩施叩懇轉詳代

題恭謝以伸忱悃事據撫標左營遊擊宋瑄等
會詳前事內稱據標下三營兵丁張天祐等
呈稱祐等投營註冊荷戈戍守已有歲支糧
餉依期放給俾得藉以仰事俯育參養

鴻恩時切頂戴本年二月十八日恭逢

皇上六旬大慶蒙頒

恩詔款開各省綠旗兵丁俱加賞賚隨奉部文江
南兵丁照賞給廣東綠旗兵丁動支司庫現
銀每兵賞銀一兩

欽差大人會同督撫親臨演武場將藩司解到庫
銀每兵一兩稱足包封按名散給祐等叩頭
祇領訖惟是祐等欣逢

盛世詠歌太平先奉

萬壽盛典卷三十一
上諭各省綠旗兵丁內有通曉文義者准與武生一體鄉試今歲又蒙

皇上格外恩賞

聖恩優渥千載難逢用敢瀝情叩懇伏乞轉詳代

題恭謝

皇恩俾下情得以上達等情轉詳到臣據此該臣

看得臣標左右二營與蘇州營額設馬步戰

守各兵欽奉

恩詔每兵賞銀一兩臣准部文隨行江蘇布政司

動支司庫現銀按各營經制兵丁數目稱準

包封移解各營收貯時值總督臣赫壽來蘇

盤查司庫實存銀兩隨於本年六月二十一

日臣會同

欽差詹事府詹事臣周起渭總督臣赫壽親臨演

武場將司庫移解之銀逐封查驗按名唱給

莫不歡欣抃舞望

闕叩頭敬祝

萬壽無疆茲據各營遊擊宋瑄等據呈轉請代

題叩謝

皇恩前來

臣

謹會同總督

臣

赫壽合詞具

題伏乞

皇上睿鑒施行

巡撫山東等處地方督理營田兼理軍務都

察院右副都御史加五級

臣

蔣陳錫謹

題爲懇請代

題恭謝

天恩事康熙五十二年七月十二日據布按二司

據撫標二營馬步兵丁徐得功等鎮標各營

馬步兵丁趙培厚等河標馬步兵丁張萬春

等呈稱竊得功等荷戈行伍蒙

皇上隆恩餉銀月米參養備至方以無由報荅日

切於心今恭逢我

皇上萬壽六十初度

欽頒恩詔普天士庶無不共沐

聖恩而得功等微賤武卒更復上煩

睿慮

欽差大人按名給賞誠使得功等感激涕零莫可言喻下情無由上達伏乞轉詳代

題謝

恩等情轉詳到臣該臣看得康熙五十二年三月十八日恭遇

皇上萬壽六十初度

欽頒恩詔內開一各直省綠旗兵丁俱應加賞賚復又

欽差大人按名賞給衆兵以天下太平無事長治

久安初無臨陳折衝之勞乃受

天府金錢之賜戴

德感

恩歡聲雷動惟願萬六千歲之椿齡與天共久三百六旬之莢曆偕日長新士飽馬騰謳歌難盡赴臣衙門籲請代

題謝

恩臣不敢壅於

上聞臣謹會同總河臣趙世顯鎮臣李雄合詞會

題伏祈

皇上睿鑒施行

巡撫河南等處地方提督軍務兼理河道兵部左侍郎兼都察院右副都御史臣鹿祐謹

題爲

萬壽特頒大賚三軍同效歡呼恭疏代

題叩謝

天恩事康熙五十二年六月初十日

欽差兵部左侍郎臣李先復都察院左副都御史

臣明安賞完南陽鎮標營兵抵省即將臣標左右二營兵丁唱名給賞閱看騎射隨皆踴躍叩頭謝

恩訖嗣據兵丁喬永年甘天祿王道行等呈稱年等身居行伍蒙我

皇上參養五十餘年仰賴

德威遐暢薄海內外共享承平又奉

恩旨俾弁目一體中式誠亘古未有之殊榮今春

三月十八日恭逢

萬壽盛典卷三十一
皇上六旬聖誕復蒙

特恩賞賚卽

命祭告大人按營散給務使人霑實惠如此

軫恤深仁真是超前軼後年等領賞回家老幼男

婦望

闕叩首莫不歡欣感激焚祝

聖壽無疆惟有益矢捐軀世爲犬馬以圖報効於
萬一但下情無由上達爲此連名籲懇代

題到臣欽惟我

皇上

躬全五福同日月以升恒

澤被萬方竝乾坤而高厚放牛歸馬久昭脫劔

之風推食解衣曲體披堅之士歡倍騰乎挾

續欣

普惠之自天感彌切於投醪願酬

恩而無地從此

九霄文德長舞干羽於兩階伏知八表武人共呼

太平之

萬歲矣茲據衆兵環籲代

題叩謝前來理合恭疏

題報伏乞

睿鑒施行

提督湖廣總兵官都督僉事加一級世襲二等阿達哈哈番臣高其位謹

題爲會賞已竣士卒感戴情殷謹據懇代

題叩謝

天恩事准據襄陽鎮總兵官佟國弼夔陵鎮總兵

官王允昌副將丁沂等叅將林焯等遊擊夏

林等守備吳天祚等咨呈據各該營兵丁趙

珩任士禮等呈爲

皇恩浩蕩感戴情深籲懇代詳請

題叩謝

皇恩以伸下悃事內稱欣逢我

皇上聖明在御海晏河清

恩德覃敷時豐歲稔珩等坐享昇平虛糜糧餉雖

有報稱之心竝無効力之處恭遇

聖主萬壽大沛

洪恩

特命廷臣按臨全楚賞賜帑金實霑

聖惠此誠古今特出之

殊恩堯舜所未有之

盛典也珩等跪領之下感激無地全家老幼敬捧

皇封欣爲至寶世世子孫圖報不盡惟有朝夕焚

香叩祝

皇上福壽天齊然犬馬微忱莫由上達懇乞轉詳

請賜具

題叩謝

天恩以伸下悃等情前來據此欽惟我

皇上文德誕敷再見兩階干羽武功赫濯遠來萬

國梯航統御五十二年恭逢

萬壽昌期大沛

恩膏普霑實惠臣遵

旨會同

欽差通政使司左通政臣羅占左參議臣陳汝咸